



შირაკი

SHIRAKI

გამოცემის მე-80 წელი

გამოცემის 1937 წლიდან
დაღოფლისწყაროს მუნიციპალიტეტის გაზეთი

№8 (9.817)

10 - 17 მარტი 2018 წელი

ფასი: 50 თეთრი

ყოველკვირული გამოცემა

გენდერი და პოლიტიკა ქართულად



გვ. 2



გვ. 3

პრემიერი რუსეთის ხელისუფლებას მიმართავს

**ჭადრაკის
პოპულარიზაციისთვის**

გვ. 8

**„დედა-უნივერსიტეტის“
100 წლისთავისადგი**

გვ. 4-5

**სარსებო
უემდობის
მოლოდინები...**

გვ. 3

**ცხოვრებაში
არაფერია
შეუქლებელი**

გვ. 6

**კონფერენცია
მოსწავლე -
ახალგაზრდობის
სახლში**

გვ. 2

**„...ოღესბე სახლს
აუსილებლად
ვიყიდით“**

გვ. 6

განდერი და პოლიტიკა ქართულად

გაზაფხულის მოსვლა და ქალთა დღე-სასწაულები კიდევ უფრო მეტად დაგვაფიქრებს ხოლმე როგორც ქალის როლზე საზოგადოებაში, ასევე იმ პრობლემებზეც, რომელთა წინაშეც დგანან ჩვენი ქვეყნის ქალბატონები. ქართულ სუფრაზე ნათქვამი ხმამაღალი სადღეგრძელოების მიღმა მდებარეობს სქესის ბევრი წარმომადგენელი კვლავ უფლებოა და ხშირად ხდება ძალადობის მსხვერპლი. ჩვენთან გენდერული თანასწორობა, იმეოტი გამონაკლისის გარდა, კვლავ ლიტონ სიტყვებად რჩება.

გერმანიის საერთაშორისო თანამშრომლობის საზოგადოება (GIZ) და ქალთა საინფორმაციო ცენტრი ახორციელებს პროგრამას: „კახეთიდან და სამცხე-ჯავახეთიდან ქალი პოლიტიკოსებისა და განდერულ პასუხისმგებელი პირების ქვეყნიდან პროფესიული და ლიდერული უნარჩვევების გაძლიერებისათვის“. აღნიშნული პროგრამა ხელს შეუწყობს ადგილობრივ თვითმმართველობაში გენდერული პოლიტიკის ლოკალიზაციის პროცესს. პროგრამის მიზანია, გაზარდოს გადაწყვეტილებების მიღების და პოლიტიკის ფორმირების პროცესში ქალების ინფორმირებული ჩართულობა.

5-6-7 მარტს, აღნიშნული პროგრამის ფარგლებში გამართულ ტრენინგზე, „გენდერული თანასწორობა და ადამიანის უფლებები“, კახეთის რეგიონის თვითმმართველობებიდან მიწვეული იყვნენ მერიის და სკრებულოს პასუხისმგებელი პირები გენდერული თანასწორობის საკითხებზე.

ტრენინგებმა ელენე რუსეცკაიამ და მამუკა გაჩეჩილაძემ 10 სესიაზე, ინტერაქტიულ რეჟიმში, სავარჯიშოების და ვიდეომასალების გამოყენებით, განიხილეს შემდეგი თემები: 1. გენდერული თანასწორობის ადგილობრივი და საერთაშორისო ვალდებულებების მიმოხილვა; 2. გენდერული თანასწორობა-ძირითადი ცნებები და განსაზღვრებები, გენდერის ტერმინოლოგიის და ძირითადი ცნებების გაგება; 3. განსხვავებული სოციალიზაცია და გენდერული სტერეოტიპები; 4. გენდერული დისკრიმინაცია; 5. გენდერული თანასწორობა და ადამიანის უფლებები; 6. გენდერული პოლიტიკები და მენისტრიმინგი; 7. გენდერული თანასწორობის ინსტიტუციური მექანიზმები საქართველოში; 8. გენდერული

რული თანასწორობა ადგილობრივ თვითმმართველობაში; 9. გენდერული ძალადობა; 10. ქალთა პოლიტიკური მონაწილეობა და სპეციალური დროებითი ზომები.

რამდენიმე კითხვით მივმართეთ დედოფლისწყაროს მუნიციპალიტეტის მერიის პირველადი სტრუქტურული ერთეული - ადმინისტრაციული და შესყიდვების სამსახურის პირველი კატეგორიის უფროს სპეციალისტს საერთაშორისო ფონდებთან და არასამთავრობო ორგანიზაციებთან ურთიერთობის საკითხებში, გენდერული თანასწორობის საკითხებზე პასუხისმგებელ პირს ანა ბენაშვილს:

-რას გულისხმობს გენდერული თანასწორობა?

-გენდერული თანასწორობა გულისხმობს ქალებისა და მამაკაცების თანაბარ

უფრო ძლიერია გენდერული სტერეოტიპების როლი. ქალისა და მამაკაცის თვისებები და მათ მიერ შესრულებული როლები მკაცრად არის განსაზღვრული და ერთიმეორის საპირისპიროდ მიიჩნევა. სამწუხაროა, რომ ჩვენს საზოგადოებაში მრავლადაა გენდერული ძალადობის შემთხვევები.

-რა იგულისხმება გენდერულ ძალადობაში?

- გენდერული ძალადობა არის განზოგადებული ტერმინი, უთანასწორობის შედეგად ადამიანებისთვის მიყენებული ნებისმიერი ფორმა ზიანისა, რომელიც მიაყენეს ადამიანს მისი სურვილის საწინააღმდეგოდ და ემყარება განსხვავებას გენდერულ როლებში. მსოფლიოში გავრცელებული გენდერული ძალადობის შემთხვევების გავრცელებული ფაქტებიდან



მატერიალურ კეთილდღეობას, თანაბარ შესაძლებლობებს, ისეთ ღირებულებებს, რომლებიც ემყარება ადამიანთა თანასწორობის რწმენას, თანაბარ მონაწილეობას გადაწყვეტილების მიღებასა და თანაბარ კონტროლს რესურსებსა და მოგებაზე. თანასწორობა არ ნიშნავს, რომ ქალები და მამაკაცები ერთნაირები უნდა გახდნენ, ეს ნიშნავს, რომ ქალთა და მამაკაცთა უფლებები, მოვალეობები და შესაძლებლობები არ იქნება დამოკიდებული იმაზე, ადამიანი ქალად დაიბადა თუ მამაკაცად.

ჩვენს საზოგადოებაში გენდერული სტერეოტიპები ფართოდაა გავრცელებული და ხშირად არაზუსტი შეხედულებები აქვთ ადამიანებს ქალისა და მამაკაცის უნარებზე, თვისებებზე, სოციალურ ქცევასა და სოციალურ ფუნქციებზე. რაც უფრო ტრადიციულია საზოგადოება, მით

გამომდინარე, თითქმის ყოველთვის, განსაკუთრებით ნეგატიურ გავლენას ახდენს ქალებზე და გოგონებზე ტერმინი „გენდერული ძალადობა“, რადგან ხშირად მას აიგივებენ ტერმინთან „ქალთა მიმართ ძალადობა“. ერთერთი მიზეზი, რის გამოც „გენდერული ძალადობა“ ხშირად ითვლება უფრო მისაღებ ტერმინად ქალთა მიმართ ძალადობის აღწერისას, არის ქალთა დაქვემდებარებულობის სტატუსის და მათზე ძალადობის მაღალი რისკის წარმოჩენა. ძალადობა შეიძლება იყოს ფიზიკური, სექსუალური, ფსიქოლოგიური, ეკონომიური, სოციალურ-კულტურული და სხვა.

- რატომ გახდა დღეს ასე აქტუალური გენდერის თემის წამოწევა მმართველობის ყველა რგოლისთვის?

- მოგეხსენებათ, რომ საქართველოს მიერ ევროკავშირთან ასოცირების ხელ-

შეკრულების რატიფიცირებას, ჩვენი ქვეყანის მხრიდან მრავალი საერთაშორისო ვალდებულების ანუ კონვენციის შესრულების აუცილებლობა მოჰყვა. ქალთა კუთხით, ძირითადად, სამი კონვენცია განიხილება. ერთერთია CEDAW- გაეროს კონვენცია ქალთა მიმართ ყველა ფორმის დისკრიმინაციის აღმოფხვრის შესახებ; სტამბულის კონვენცია - „ქალთა მიმართ ძალადობა“ და „ოჯახში ძალადობა“, ასევე, 13/25 - „ქალებზე, მშვიდობასა და უსაფრთხოებაზე“ მიღებული „დობილი რეზოლუციები“; მნიშვნელოვანია ვენის 2012 წლის დეკლარაცია, რომელიც ფემიციდს განსაზღვრავს, როგორც ქალთა ან გოგონათა მკვლელობას მათი სქესის გამო. არის კიდევ პეკინის დეკლარაცია. ამ დეკლარაციების შესაბამისობაშია გენდერული თანასწორობის ადგილობრივი ვალდებულებები: საქართველოს კონსტიტუცია(1995); საქართველოს კანონი „გენდერული თანასწორობის შესახებ“(2010); საქართველოს კანონი „დისკრიმინაციის ყველა ფორმის აღმოფხვრის შესახებ“(2014); საქართველოს კანონი „ქალთა მიმართ ძალადობის ან/და ოჯახში ძალადობის აღკვეთის, მსხვერპლთა დაცვისა და დახმარების შესახებ“(2006); საქართველოს ორგანული კანონი „ადგილობრივი თვითმმართველობის კოდექსი“; საქართველოს მთავრობის დადგენილება N437 - ბავშვთა დაცვის მიმართულებით(რეფერირების) პროცედურების დამტკიცების შესახებ.

როგორც ვხედავთ, ჩვენი ქვეყნის საკანონმდებლო თუ აღმასრულებელ ხელისუფლებას, მმართველობის ყველა საფეხურზე გასატარებელი აქვს მნიშვნელოვანი ღონისძიებები ამ ვალდებულებების შესასრულებლად. სწორედ ამ მიზნით, ადგილობრივ თვითმმართველობებში გამოიყო გენდერულ პასუხისმგებელი პირები, რომლებმაც ადგილობრივ დონეზე, გადაწყვეტილების მიღებ პირებთან ერთად, უნდა უზრუნველყონ საჭიროებებზე მორგებული სამუშაო გეგმების შემუშავება გენდერული თანასწორობის პოლიტიკის გასატარებლად და პრევენციული ღონისძიებების, სხვა კონკრეტული საქმიანობების განხორციელება გენდერული ძალადობის ფაქტების შესამცილებლად.

ესაუბრა ინგა შიოლაშვილი

კონფერენცია მოსწავლე - ახალგაზრდობის სახლში

6 და 7 მარტი საკმაოდ დატვირთული იყო მოსწავლე-ახალგაზრდობის სახლში. 6 მარტს ჩატარდა 72-ე სასწავლო შემოქმედებითი კონფერენციის მეორე ტური, სადაც განვიხილეთ მოსწავლეთა ნაშრომები, რომლებიც უნდა გაიგზავნოს თბილისის მოსწავლე-ახალგაზრდობის ეროვნულ სასახლეში. კონფერენციაში მონაწილეობდნენ: ზემო ქედის, ქ.დედოფლისწყაროს №1, არხილოსკალოს, არბოშიკის, ოზაანის, სამრეკლოს და ქ.დედოფლისწყაროს №2 საჯარო სკოლის მოსწავლეები. მათი ნაშრომები განიხილა კონფერენციის კომისიამ შემდეგი შემადგენლობით: ხორნაბუჯის სკოლის ბიოლოგიის მასწავლებელი ნინო დევრისაშვილი, №2 საჯარო სკოლის პედაგოგები-ნუნუკა ჯინაშვილი და ლალი ინაშვილი, მოსწავლე-ახალგაზრდობის სახლის პედაგოგები: მზია ბაშარული, მაცვალა მადარაშვილი, ნინო სიფრაშვილი და ლიკა ნატროშვილი, რისთვისაც დიდი მადლობა

მათ. მოსწავლეებმა შეძლეს თავიანთი ნაშრომების დაცვა საკმაოდ საინტერესოდ. მინდა, წარმატებები ვუსურვო ყველა მათგანს, იმედოვნებ, სასახლეში ფინალურ ტურზეც გამარჯვებას მოიპოვებენ.

7 მარტს კი ჩატარდა გაზაფხულის დღესასწაულებისადმი მიძღვნილი ღონისძიება. გადაწყვიტეთ ღონისძიება ყოფილიყო საზეიმო და ხალისიანი. ამისთვის, ბავშვებთან ერთად, მშობლებმა და პედაგოგებმაც მიიღეს მონაწილეობა სპორტულ და შემეცნებით ნომრებში. დედები და შვილები კი ტოლს არ უდებდნენ და სიამოვნებით ეჯობებოდნენ ერთმანეთს.

ღონისძიება საკმაოდ საინტერესო და ხმაურიანი იყო.

თამარ ლაიაშვილი
მოსწავლე-ახალგაზრდობის სახლის
დირექტორი



კვლევა: ქალზე ძალადობის ყველაზე მაღალი მაჩვენებელი თბილისსა და სამცხე - ჯავახეთშია

გაეროს ქალთა ორგანიზაციამ (UN Women) ქალთა მიმართ ძალადობის ახალი ეროვნული კვლევის შედეგები წარმოადგინა, რომლის მიხედვითაც ქალზე ძალადობის ყველაზე მაღალი მაჩვენებელი თბილისსა და სამცხე-ჯავახეთშია. ინფორმაციას „სამხრეთის კარიბჭე“ ავრცელებს. კვლევის თანახმად, თბილისში ქალთა მიმართ სექსუალური ძალადობის 4%, ფიზიკური - 8%; ემოციური - 20%; ნებისმიერ სახის - 20% ფიქსირდება.

სამცხე-ჯავახეთში ქალთა მიმართ სექსუალური ძალადობის - 1%; ფიზიკური - 7%; ემოციური - 21% ნებისმიერი სახის - 21% ფიქსირდება.

კვლევამ აჩვენა, რომ ქალზე ძალადობის ყველაზე დაბალი მაჩვენებელი გურიასა და აჭარაშია.

„ქალთა მიმართ ძალადობის ეროვნული კვლევა საქართველოში 2017“ გაეროს ქალთა ორგანიზაციამ და საქართველოს სტატისტიკის ეროვნულმა სამსახურმა ერთობლივად ჩაატარა.

კვლევა ჩატარდა პირისპირ ინტერვიუების მეშვეობით. საქართველოს



მასშტაბით შერჩეული საველე პერსონალის რაოდენობამ შეადგინა 181 ადამიანი, მათ შორის 22 რეგიონული ზედამხედველი და 159 ინტერვიუერი. სავსელე სამუშაოები დაიწყო 2017 წლის 14 აგვისტოს და დამთავრდა 2017 წლის 29 სექტემბერს. მთლიანობაში, კითხვარი შეავსო 15-დან 64 წლის ასაკის 6006-მა ქალმა და 1601-მა კაცმა.

გამოკითხული ქალების 22%-ს და კაცების 31%-ს მიაჩნია, რომ ქალის ცემა გარკვეულ გარემოებებში გამართლებულია.

გიორგი კვირიკაშვილი რუსეთის ხელისუფლებას მიმართავს

საქართველოს პრემიერ-მინისტრი გიორგი კვირიკაშვილი ცხინვალში, არჩილ ტატიუნაშვილის გაურკვეველ ვითარებაში გარდაცვალების საკითხზე მორიგ განცხადებას ავრცელებს. მთავრობის მეთაური მიმართავს რუსეთის ფედერაციის უმაღლეს ხელისუფლებას, "რათა დღევანდელი დღისა და მომავალი თაობების წინაშე

პასუხისმგებლობის გაცნობიერებით, გადავდგათ ერთობლივი ნაბიჯები აღნიშნული რთული ვითარების დასაძლევად". "მიმდინარე წლის აგვისტოში 2008 წლის ომიდან ათი წელი შესრულდება. ამ დრამატულმა მოვლენამ ღრმა კვალი დატოვა ქართველი ხალხის ცნობიერებასა და საქართველო-რუსეთს

შორის ურთიერთობებში. განწყვეტილია დიპლომატიური კავშირები. მოსკოვის მიერ აფხაზეთისა და ცხინვალის რეგიონის დამოუკიდებლობის აღიარებამ ფაქტობრივად ჩიხში მოაქცია ნორმალური სახელმწიფო-თაშორისი ურთიერთობის დამყარების პერსპექტივა.

პოლიტიკური ნების არსებობის შემთხვევაში, შესაძლებლად მიგვაჩნია სხვა გონივრული ნაბიჯების გადადგმა. სამწუხაროდ, დღეს რთული რეალობის წინაშე ვდგავართ. ორმხრივი სავაჭრო-ეკონომიკური ურთიერთობები აღვადგინეთ, მაგრამ ტრაგიკული მოვლენების ჯაჭვი დღესაც გრძელდება. ეს ძირს უთხრის ქართულ-რუსულ ურთიერთობათა მონესრიგების პერსპექტივას. ამის ბოლო ტრაგიკული მაგალითია ორი კვირის წინ ცხინვალში გაურკვეველ ვითარებაში ჩვენი მოქალაქის არჩილ ტატიუნაშვილის სიკვდილი, რომლის ცხედრის გადმოცემაც კი, მიუხედავად საქართველოს ხელისუფლების, კათოლიკოს-პატრიარქისა და საერთაშორისო თანამეგობრობის არაერთი მცდელობისა, აქამდე ვერ მოხერხდა ოჯახისათვის.



ამჟამად ჩვენს წინაშე არის არჩევანი - აღნიშნულ თარიღს შევხვდეთ ურთიერთრადდებებითა და მწვავე განცხადებებით, რომელთა ნაკლებობა ამ წლების განმავლობაში ნამდვილად არ იყო, ან გადავდგათ გონივრული, თუნდაც მცირე ნაბიჯები ამ მოჯადოებულ სრიდან ჩვენი ურთიერთობების გამოსაყვანად.

ჩვენ ადრეც განვაცხადეთ და კვლავ ვადასტურებთ, რომ დაინტერესებულნი ვართ მივალწიოთ რეალურ პროგრესს უწინესი საერთაშორისო დისკუსიების პროცესში, რისთვისაც დავადასტურებ ჩემი პირადი ჩართვის მზაობა. მზად ვართ ასევე, პირდაპირი დიალოგისათვის აფხაზეთთან და ოსებთან და მისასალმებელი იქნებოდა ამ თვალსაზრისით რუსეთის მხარის რეალურად კონსტრუქციული მიდგომა.

მივმართავ რუსეთის ფედერაციის უმაღლეს ხელისუფლებას, რათა დღევანდელი დღისა და მომავალი თაობების წინაშე პასუხისმგებლობის გაცნობიერებით, გადავდგათ ერთობლივი ნაბიჯები აღნიშნული რთული ვითარების დასაძლევად", - ნათქვამია პრემიერის განცხადებაში.

საარსებო შემწეობის მოლოდინში...

ქალაქ დედოფლისწყაროში, ერეკლე მეორის ქუჩაზე მცხოვრები ლამარა გიორგაძე სოციალური მომსახურების სააგენტოსგან დახმარების აღდგენას, ორი წელია, უშედეგოდ ითხოვს. 81 წლის მარტოხელა მოხუცს გადაადგილება უჭირს, ამიტომ დროის ძირითადი ნაწილი გატარება საწოლში უწევს. ლამარა გიორგაძეს ცხოვრება ძველ, არიზის ავარიულ სახლში უწევს, რომლის კედლები დაბზარულია, ოთახები კი ძალიან ვიწროა. მისი საყოფაცხოვრებო პირობები არ გაუმჯობესებულა, თუმცა, ოჯახის სარეიტინგო ქულები მაინც გაიზარდა, რამაც ლამარა ბებო საარსებო შემწეობის გარეშე დატოვა.

ვაკეთო. გასულ წლებში კიდევ მივმართე განცხადებით, ხელახლა გადაამოწმეს, მაგრამ მაინც მაღალი ქულები მოდიოდა და აღარ დადგინდა. მარტოხელა ქალი, პენსიის ამარა დამტოვეს, მეტი არაფერი არ გამაჩნია, არანაირი შემოსავალი არ მაქვს. ბავშვები თუ ამომიტანენ საჭმელს, მათ იმედზე ვარ. მე აღარც მაღაზიაში გასვლა შემიძლია, არც პურის ყიდვა, ასე უმოძრაოდ ვარ. ძალიან გთხოვთ, აღმიდგეს ეს 60 ლარი, არ მინდა ისე მოვკვდე, რომ დახმარება არ დადგინდეს"...

მისი ერთადერთი შემოსავალი პენსიაა, რომლის დიდი ნაწილი მედიკამენტების შეძენას ხმარდება, საკვების თანხა კი ხშირად აღარ რჩება. მარტოხელა ქალის ერთადერთ იმედად მეზობლები რჩებიან. ლამარა ბებოს პროდუქტებით მომარაგებაც მათზეა დამოკიდებული.

რაც დედოფლისწყაროს გამგებლის პოსტი დავიკავე, მას შემდეგ რამდენჯერმე მოხდა სოციალური პაკეტის გაუმჯობესება და გათვალისწინებული თანხების გაზრდა. თითქმის ყოველწლიურად განხორციელდა დამატებითი მომსახურების შეთავაზება, თუ არსებული პაკეტის პირობების გაუმჯობესება. მაგალითად, ჩვენ უკვე დავეინყეთ ჰემოდიალიზზე მყოფი პაციენტების დაფინანსება, მკურნალობის თანადაფინანსების ნაწილში. მრავალშვილიანი, სოციალურად დაუცველი ოჯახე-



„ველარ ვიჩივლე, სიარული აღარ შემეძლო. მეტყველებაც მიჭირს, ნერვიულობაზე უარესი დამემართა“

მოხუცის ჯანმრთელობის მდგომარეობა დახმარების შეწყვეტის შემდეგ კიდევ უფრო გაუარესდა. როგორც თავად ამბობს, საარსებო შემწეობის მოხსნაზე იწერვიოდა, რის შემდეგაც ინსულტი განუვითარდა და მოძრაობა შეეზღუდა. ლამარა ბიორბაძე: - „4 წელი ვიღებდი დახმარებას და 2015 წელს მომეხსნა და იმავე წელს დავავადდი, მას შემდეგ სულ ვწევარ, გადაადგილება მიჭირს. მანამდე კარგად ვლაპარაკობდი, ახლა საუბარიც არ შემიძლია. მითხრეს, შენ არ გეკუთვნის დახმარება და მაღალი ქულები გაქვსო. ამაზე ვინერვიულე და უფრო ცუდად გაეხდი. ველარ ვიჩივლე, რადგან სიარული აღარ შემეძლო და არც იმის თავი მქონდა, სადმე მივსულიყავი და გამესაჩივრებინა. ვუთხარი, მაღალი ქულები რატომ მომივიდა, არაფერი შეცვლილა და ხომ იცით, როგორ ვცხოვრობ -მეთქი. ორი ვიწრო ოთახი მაქვს და სულ ესაა. მაინც არაფერი ეშველა და მომისხნეს, მას შემდეგ ვკითხულობ, მაგრამ უშედეგოდ. სიარული რომ შემეძლოს, ყველგან მივიდოდი და მოვითხოვდი, მაგრამ ჩანოლილმა რა გა-

გაუშვებარია, რა პრინციპით ხელმძღვანელობს სოციალური სააგენტო. ისეთ ოჯახებს უწყდება დახმარება, რომელთაც არაფერი სხვა შემოსავალი და იმედი არ გააჩნიათ. ქულების დათვლის სისტემის ხშირად ცვლამ შედეგი ვერ გამოიღო. ის, რომ უსამართლოდ უწყდებათ დახმარება, ეს ქალბატონი ამის საუკეთესო მაგალითია. ცალი მხარე პარალიზებული აქვს, მეტყველებაც გაურთულდა, ვერ გადაადგილდება და იმის თავიც არ აქვს, საკითხის გასარკვევად სოციალურ სააგენტოში იაროს,“ - აღნიშნავენ მეზობლები.



ბისთვის გაიცემა ერთჯერადი დაფინანსება. გაუუმჯობესეთ სათხოვრის სახლში არსებულ ბენეფიციართა მდგომარეობა. გაუმჯობესდა საკვების ხარისხი და ერთ ბენეფიციარზე გამოყოფილი დღიური თანხა გაეზარდა. აღმოჩნდა, რომ კახეთის რეგიონში უფასო კვებაში დღიურად ყველაზე მეტ თანხას დედოფლისწყაროს მუნიციპალიტეტი გამოყოფს. მოვსენით ყველანაირი შეზღუდვა 6 წლამდე ასაკის ბავშვების სამედიცინო მომსახურების დაფინანსებაში. გაეზარდა ონკოლოგიურ პაციენტთა თუ სხვადასხვა მიმართულებებით თანადაფინანსება. ჩემი გამგებლობის პერიოდში ამოქმედდა ასევე კომუნალური გადასახადების ყოველთვიურად ანაზღაურების პროგრამა და სათბობი შეშის ერთჯერადი დახმარება. 2018 წელს, მას შემდეგ, რაც ბუნებრივ აირსა და დენზე გადასახადი გაიზარდა, ვცდილობთ, ცვლილება შევიტანოთ და ჩვენც გაეზარდოს ამ კუთხით წინასწარ დაგეგმილი თანხა. გარდა ამისა, ჩვენ სხვადასხვა ტიპის დახმარებებს გაცემთ. მრავალშვილიანი სოციალური მომსახურება გვაქვს ადგილობრივ ბიუჯეტში, ასე რომ, ვცდილობთ, მაქსიმალურად იყოს მორგებული მუნიცი-

პალიტეტის მოსახლეობაზე. ძალისხმევას არ ვიშურებთ, რომ ის გამოწვევები, რაც ყოველდღიურად არსებობს, ჩვენი დახმარებით და შესაბამისი პაკეტებით შევაძლუქოთ და გვერდში დგომა ვაგრძობთ მოსახლეობას. ამ განვლილი პერიოდის განმავლობაში 100 000-დან 150 000-მდე გაეზარდა იმ ოჯახების სარეიტინგო ქულების ზღვარი, რომლებიც ადგილობრივი დახმარებით სარგებლობენ. თუ აქამდე 100 000 ქულამდე ოჯახებს ვეხმარებოდით, ახლა გადავწყვიტეთ, რომ არეალი გავეზარდა და შედარებით მაღალი ქულების მქონე ოჯახებსაც შევხიბოდით. ბავშვებსა და ონკოლოგიურ ავადმყოფებზე კი მთლიანად მოვსენით სარეიტინგო ქულების მოთხოვნის აუცილებლობა. ისევე, როგორც გასულ წლებში, წლის განმავლობაში რამდენჯერმე შეიცვალა და დაიხვეწა სოციალური პაკეტი, ასევე წელსაც მოსალოდნელია, რომ კიდევ შეიცვალოს და გაუმჯობესდეს, შესაბამისად, გათვალისწინებული ჯამური თანხაც კიდევ გაიზარდოს. აუცილებლად შეიცვლება უკეთესობისკენ, რადგან როგორც კი მოსახლეობის მხრიდან რაიმე მოთხოვნა არსებობს, აუცილებლად ვითვალისწინებთ. ჩვენი მიზანია, მოთხოვნების შერბილებით, თუ სხვადასხვა კატეგორიების მიხედვით, რაც შეიძლება მეტმა მოქალაქემ მოახერხოს ამ სიკეთით სარგებლობა,“ - აღნიშნავს ნიკოლოზ ჯანაშიაშვილი.



ამისათვის ადგილობრივ ბიუჯეტში მიმდინარე წელს 650 000 ლარია გამოყოფილი. მერიაში ზღვარი გაზარდა, რის შედეგადაც პაკეტით სარგებლობის საშუალება მაღალი სარეიტინგო ქულის მქონე ოჯახებსაც მიეცა. სოციალურ პაკეტში კი 10 სხვადასხვა სერვისი შედის, მათ შორისაა კომუნალური გადასახადების, ბინის ქირის და სათბობი შეშის დაფინანსება.

„ბოლო ოთხი წელია,

სოციალური მომსახურების სააგენტოს ცენტრალურ ოფისში, სააგენტოს საზოგადოებასთან ურთიერთობის სამსახურში განმარტავენ, რომ აგვისტოს თვეში ამოიწურება ბოლო შემოსემების შემდეგ დანესებული ერთწლიანი ვადა, ასე რომ ქალბატონს უწოდია სააგენტოს განცხადებით მიმართოს და მისი სარეიტინგო ქულის ხელახლა გადამოწმება მოითხოვოს.

ილია მარტყოფიშვილი

„დედა-უნივერსიტეტის“ 100 წლისთავისადმი

მნივნილოვანი ასოციაციის დედოფლისწყაროს რაიონულმა განყოფილებამ კიდევ ერთი საინტერესო საღამო შესთავაზა მსმენელს. ღონისძიება ორგანიზაციის თავმჯდომარის ვანო ნატროშვილის პატივსაცემად და მერიის, საკრებულოს, კულტურისა და ძეგლთა დაცვის ცენტრის მხარდაჭერით ჩატარდა. მას ორგანიზაციის თანამშრომელმა ნანა ჭიჭინაძემ და მდივანი ლია ჩოქური უძღვებოდნენ და დედოფლისწყაროს მხარეთმცოდნეობის მუზეუმში მასპინძლობდა. ღონისძიება თბილისის ივ. ჯავახიშვილის სახელობის სახელმწიფო უნივერსიტეტის 100 წლისთავს მიეძღვნა, ამიტომაც მონაწილე სტუმართა უმრავლესობას უნივერსიტეტის სხვადასხვა თაობის და სხვადასხვა დარგის კურსდამთავრებულნი შეადგენდნენ.

ნამყვანებმა უნივერსიტეტის ისტორიის შესახებ მოკლედ ისაუბრეს და პატივი მიაგეს მისი დამფუძნებლების – ივანე ჯავახიშვილის, პეტრე მელიქიძის, ექვთიმე თაყაიშვილის, დიმიტრი უზნაძის, შალვა ნუცუბიძის, კორნელი კეკელიძის, კოტე აფხაზის, გიორგი გველესიანის, აკაკი მანისის, გრიგოლ ნერეთელის, ანდრია

ბატონმა ნაირამ და თავის მოსხენებამ ისაუბრა იმ ადამიანებზე, ვინც 47-წლიანი ჟურნალისტური მოღვაწეობის მანძილზე მისთვის საინტერესო რესპოდენტი იყო.

– „ახლა მივუბრუნდეთ თემას, რომელიც ჩემი საუბრის ძირითადი საზიაროა – უნივერსიტეტი და მისი გმირები“. იყო ასეთი ჟურნალისტური სტანდარტი: პიროვნების წარმოსაჩენად ვიყენებდი ჟანრს „ნარკვევი“, რომელიც გარკვეულ წარჩოებში აქცევდა ავტორს, მერე თანდათან მას დაემატა ინტერვიუს და რეპორტაჟის ელემენტები და უფრო საინტერესო გახდა პერსონაჟი. პირველი ასეთი პერსონაჟი ჩემთვის გახლდათ გამარჯვების კოლმეურნეობის მელორეობის ფერმის მწყემსი მარამ გოგოჭური. სწორედ მასზე ნარკვევის დაწერის დროს გამოვიყენე პირველად პირველ პირობა ამტყვევებელი რესპოდენტი და სათაურიც ერთსიტყვიანი დავარქვი – „მარამი“. ძალიან ველაგდდი, მეშინოდა რედაქტორის გოდერი ტოკლიკიშვილის, რომელიც თავისი ბუნებით კონსერვატორი იყო და სიახლეები და „მეტიწრობები“ არ უყვარდა. მოლოდინი გამიცრუვდა, დღესაც მახსოვს, ვიდრე

თავაკაცის 30-წლიანი მოღვაწეობით რომ მთავრდებოდა, კაცისა, რომელიც ლეგენდად დარჩა სოფელსაც და რაიონსაც. „გაუნათლებელი ბრძენი“, ასე შეიძლება ვუწოდოთ მას, რადგან კლასიკური უმაღლესი განათლება მას არ მიუღია, მაგრამ უფლისგან ბოძებული ორგანიზატორული ნიჭის და შრომისმოყვარეობის შედეგად მან დაარსა სოფელი გამარჯვება, ჩამოაყალიბა კოლმეურნეობა და სოფელი ააყვავა. ოთხი შვილი – ნათელა, შალვა, ლამარა და ანზორი და რვა შვილიშვილი აღზარდა ქვეყნის ერთგულ და მშრომელ ადამიანებად. არანაკლებ საინტერესო იყო ჩემი შეხვედრა და ინტერვიუ მის შვილთან, შალვა ფიროსმანაშვილთან, სასწაულად ამიანთან, რომელმაც ქარიზმალით იცხოვრა. არც ფილოსოფიურ მეცნიერებათა დოქტორის, პროფესორ ავთანდილ პოპიაშვილის გარეშე შემდგარა ჩემი შემოქმედება და არც მისი ქალიშვილის, ასევე ფილოსოფიურ მეცნიერებათა დოქტორის, უნივერსიტეტის ასოცირებული პროფესორის ნინო პოპიაშვილის გარეშე.

ძალიან საინტერესო იყო, აგრეთვე, პროფესორ მარიკა სვერიანის ასულ გოგიაშვილთან შეხვედრა, ის ინგლისური ენის სპეციალისტია, რამდენიმე წიგნის ავტორი და ნარმატებული ლექტორია.

ჩემი რესპოდენტი იყვნენ ადამიანები, რომლებიც დღეს ჩვენს გვერდით აღარ არიან, მაგრამ მათთან შეხვედრა და მათ მიერ განვლილი ცხოვრების გზა უაღრესად მთამბეჭდავი იყო. როგორ დამავინყებდა შეხვედრა ერთ-ერთ გამორჩეულ და კოლორიტულ პიროვნებასთან ამირან ბილიაშვილთან. დილის 11 საათიდან დაბინდებამდე ვისაუბრეთ და მაინც ვერ ამოვწურეთ სათქმელი. ეს იყო ადამიანი ენციკლოპედია, მრავალმხრივ განვითარებული კაცი, ერთდროულად რომანტიკოსიც და პრაგმატიკიც, მისი სიტყვა ნებისმიერ ღონისძიებაზე და ნებისმიერ საკითხზე მუდამ იყო გამორჩეული და განსხვავებული. ეს იყო კაცი პოეტი და კაცი მოჭადრაკე და მრავალგზის რაიონის ჩემპიონი. მისი შრომითი ბიოგრაფია გაზეთ „ახალი შირაქის“ რედაქციაში დაიწყო და მთელი ცხოვრება ჩვენთან გამორჩეული დამოკიდებულება ჰქონდა. (სვერიანის თხოვნით ბატონი ამირანის ქალიშვილმა ლელა ბილიაშვილმა დამსწრეთ მისი რამდენიმე ლექსი წაუკითხა.)

სასიამოვნოდ გაცემული დავარჩი, როცა ერთმა უბრალო კაცმა, რომელსაც მთელი რაიონი „სვარჩიკ არსენას“ ეძახ-

ჩინით დაამთავრა რეგიონის პირველმა პოლიციელმა, სხვა მრავალ სამსახურშიც (სცადა ბედი და ნარმატებითაც. ორი შვილი, ხუთი შვილიშვილი და ექვსი შვილიშვილია მისი ყველაზე დიდი სიმდიდრე. მისი ქალიშვილი, მიკრო-პედიატრი მარინა ხარაშვილი, ჩვენთვის, ყველასთვის საუკეთესო სპეციალისტი და ღირსეული პიროვნებაა.

„ჯანსაღი ოჯახი სახელმწიფოს ძლიერებაა“ – ამ რუბრიკის ქვეშ არაერთი კარგი ოჯახის, კარგი წყვილის შესახებ ვისაუბრე: უნივერსიტეტელი თებრო აფციაური და მერაბ რობიაშვილი ქორწინებიდან 50 წლისთავს დიდი შრომითი ბიოგრაფიით, ორი შვილით და 5 შვილიშვილით შეხვდნენ. ჯიმი ალუღიშვილი და ლალი ბოჭორიშვილიც ბედნიერად შეაბერდნენ ერთმანეთს, იაგო ყოჩიაშვილს და ლია ხუციშვილს სამაგალითო ოჯახი და საუკეთესოდ აღზრდილი და ნარმატებული შვილით ჰყავთ; ჩვენი ინტერესის სფეროში მოხვდნენ „ნარმატებული ოჯახის“ ტიტულის მფლობელი გივი ლვინაშვილი და რეგინა ჯანიაშვილი. ნარმატებული მენარმე ზეინალ მოდებაძე და მისი მუდღე „საუკუნის ლეგენდის“ ტიტულის მფლობელი ქალბატონი თამარ მოძღვრიშვილი. მათი ოჯახი გამორჩევა შრომისმოყვარეობით და დიდი პატრიოტიზმით – დაახ. სწორედაც რომ პატრიოტიზმითაა ჩვენი ქვეყნის დემოგრაფიული კატასტროფის ფონზე ორი შვილიდან 9 შვილიშვილი გაყვდეს და ღირსეულად, ქრისტიანულად ზრდიდეს მათ.

სიყვარულს გადაუხადეს ხარკი ნათელა პოპიაშვილმა და გურამ ბენაშვილმა. მათ სიყვარულზე დღესაც დადის ლეგენდები სოფელ გამარჯვებაში, რომელიც სკოლის მერხიდან დაიწყო და სიკვდილამდე კი ვერაფერი დააკლო. სიყვდილმა ვერ გაახუნა ლუიზა ნასყიდაშვილისა და თამაზ ბასილაშვილის სიყვარულიც. ისინი ორივე უნივერსიტეტელები იყვნენ, მათი სასიყვარულო პლიუსით შეერთებული ინიციატორები დღესაც ატყვია მალღივი კორპუსის გუმბათს, დერეფანში რომ დავდიოდით, სიყვარულის ალმური ამდიოდა და „ხრუნკის“ სუნი იდგაო, იტყვოდა ხოლმე ქალბატონი ლუიზა. დღესაც ცოცხალია ეს სიყვარული, რომელიც შვილებზე ზრუნვაშია გადასული. დაუფინყარია ლეილა ლაპიაშვილის და დიდი ოზაშვილის ტრაგიკული სიყვარულის ისტორია, როცა ქორწინის დღიდან, გამთენიისას გაიყარა მათი სავალი გზები ამ ქვეყანასა და იმ ქვეყანაში. დაუჯერებელი ერთგულებით იცხოვრა ქალბატონმა ლეილამ, ოზაშვილების სახელზე გაზარდა ერთადერთი ქალიშვილი ეკა და ახლა შვილიშვილების გაზრდას ემსახურება ოკეანის გაღმა. ანალოგიური ბედი ეწია ქვემო ქედის სკოლის ქართული ენისა და ლიტერატურის მასწავლებელს გულნარა ტვილიანს, რომელიც ოთხი თვის ფეხმძიმე დარჩა, მამის მოსახელე ფირუზ ბურდული და ორი ვაჟკაცი შვილიშვილი გაზარდა ცალკულად. ჩვენი გაზეთის ფურცლებზე შემორჩა ისეთი კოლორიტი პიროვნებების სიყვარულის და შრომითი საქმიანობის ამსახველი ნარკვევები, როგორებიც არიან, გამორჩეული პედაგოგი და დედოფლისწყაროს საპატიო მოქალაქე ცისანა მჭედლიშვილი და შოველი ქადაგიძე, მერი თარაშვილი და დათუნ სინჯიაშვილი, ვინ არ იცნობს და რომელი ოჯახის წევრთა სიცოცხლის გადასარჩენად არ უბრძოლია ჩვენს საყვარელ ექიმ-თერაპევტს გულნარა პოპიაშვილს, კარგ სპეციალისტს, კარგი ოჯახის, ნარმატებული შვილების და შვილიშვილების პატრონს. ეს ისტორიები და მათ მიერ განვლილი შრომითი გზა თუ სულიერი განცდები სამუდამოდ დარჩა ჩვენი გაზეთის გაყვითლებულ ფურცლებზე. ჩვენი გაზეთის ფურცლებზე შემოინახა ქ. დედოფლისწყაროს №1 საჯარო სკოლის დანჯერითი სწავლების პედაგოგის, „ღირსების ორდენის“ კავალერის ნელი შოშიაშვილის შრომითი გზა, ოჯახური ცხოვრება – 3 შვილი და ხუთი შვილიშვილი, ქვეყნისთვის გამორჩეული ათეულობით თაობა 1978 წლიდან დღემდე. აქვეა ნარკვევი სოფელ ჭოეთის საჯარო სკოლის ინკლუზიური სწავლების პედაგოგის, ჟანა ბაბაიანის მიერ განვლილი ცხოვრების გზის შესახებ. ინკლუზიურ ჯგუფში მუშაობა გამორჩეულ ცოდნას, ნებისყოფას და შრომას მოითხოვს. სწორედ ეს შრომა მოითხოვს. სწორედ ეს შრომა დაუფასდა ქალბატონ ჟანას, როცა ის „ღირსების ორდენით“ დააჯილდოვეს.

(გაგრძელება გვ.5)



რაზმაძის, გიორგი ახვლედიანის და იოსებ ყიფშიძის ხსოვნას. ითქვა, რომ 1918წელს, უნივერსიტეტის დაარსებისას მხოლოდ ერთი – სიმონისმეტყველების ფაკულტეტი გაიხსნა, რომელზეც 369 სტუდენტი ირიცხებოდა და 7 პროფესორი, 5 პროფესორის მოადგილე, 2 მეცნიერი – ხელმძღვანელი და 3 ლექტორი მოღვაწეობდა. დღეს კი უნივერსიტეტის 7 ფაკულტეტზე 22000-მდე სტუდენტი ეუფლება უმაღლეს განათლებას, მათ შორის 600-მდე საერთაშორისო სტუდენტი. დღეისათვის აქ 705 აკადემიური პერსონა დასაქმებული. „დედა-უნივერსიტეტი“ მსოფლიოს საუკეთესო უნივერსიტეტების 2 პროცენტში მოხვდა. მას 50 ქვეყანაში 180-ზე მეტი პარტნიორი უნივერსიტეტი ჰყავს. 300 ათასზე მეტი კურსდამთავრებული საქართველოში, და არა მხოლოდ აქ, ნარმატებით მოღვაწეობს. თითოეული თქვენთაგანი ამ დიდი არმიის შემადგენელი ნაწილია, – აღნიშნა ნანა ჭიჭინაძემ და სიტყვა უნივერსიტეტდამთავრებულებს დაუთმო: ისტორიკოსმა ნაწილი ნატროშვილმა, ეკონომისტებმა ნათელა ბილიაშვილმა და ლუიზა ნასყიდაშვილმა, სოციოლოგმა და ჟურნალისტმა ინგა შილაშვილმა, ფილოლოგმა ლალი-გურას-პაულმა სტუდენტობის ლამაზი დღეები გაიხსენეს.

შემდეგ უნივერსიტეტის კურსდამთავრებულმა, გაზეთ „შირაქის“ რედაქტორმა ნაირა გორაშვილმა წარმოადგინა თემა: „ჟურნალისტი და მისი გმირები“. შესავალში ქალბატონმა ნაირამ მოკლედ მიმოიხილა ის 80-წლიანი გზა, რომელიც გაზეთმა „ახალმა შირაქმა“, შემდგომში „შირაქმა“ გაიარა 1937 წლიდან დღემდე. – ის გაგანია რუბრიკების დროს და არსდა, თავის თავზე გადაიტანა და გაყვითლებულ ფურცლებზე შემოინახა მეორე მსოფლიო ომი, 1956 წლის მარტის სისხლისღვრა, 9 აპრილი, თბილისის, აფხაზეთის, სამაჩაბლოს, 8 აგვისტოს ომები, გასული საუკუნის 90-ანი წლების სიბნელე, სიცივე, უფულობა, უგულობა, ზენოლა, მაგრამ ყველაფერს გაუძლო, არ შეუწყვეტია ფუნქციონირება და დღემდე მოვიდა. ეს კი თითოეული იმ ადამიანის დამსახურებაა, ვინც წარსულში თუ ახლა ამ გაზეთის რედაქციაში თუ ყოფილ სტამბაში მუშაობდა და მუშაობს. ურთიერთმხარში დგომამ და საქმის ერთგულებამ მოიტანა ეს გაზეთი დღევანდლობამდე. მაღლობა ყველას, ვინც კი ამ რთულ გზაზე შეხიდედა და დახმარების ხელი გაუმწვია რედაქციისათვის – რაიონის ხელმძღვანელ მუშაკებს, მოქალაქეებს, ერთგულ მკითხველებს, – თქვა ქალ-

წერილს დასაბეჭდად ჩაუშვებდა, დამიძახა და, რომ მეგონა, გამიბრაზდება-მეთქი, ისე შემაქო, დღემდე მახსოვს ის წუთები. ეს გასული საუკუნის 70-იანი წლები იყო. მას მერე ბევრმა წყალმა ჩაიარა, უამრავ ადამიანს შეეხვედრივარ, უამრავი მაღალი თუ დაბალი რანგის რესპოდენტი მყოლია, ხშირად გამცრუებია კიდევ იმედი, ძალით ძლივს ამილაპარაკებია „ცნობადი“ პიროვნება, ხშირად კი სასიამოვნოდ გაცემული დავარჩინებოდა საშუალო განათლების ადამიანის ისეთი ერუდიცია და ღრმა აზროვნება გამომჟღავნებია. ვეცდები,



მოკლე-მოკლედ შევებო და გავიხსენო ის ჩემი გმირები, ვინც დიდი შთაბეჭდილება მოახდინა ჩემზე. იტყვიან ხოლმე: „ხელი შიგნით იხრებაო“ და მეც შინაურებიდან დავიწყებ: „ორი ალალი კაცის ისტორია“, ასე ერქვა ნარკვევს, რომელიც გოდერი ტოკლიკიშვილის და შოთა ბიკაშვილის მიუძღვნა მათი დაბადების 80 წლისთავზე ორივე თებერვლის 20-ში იყვნენ დაბადებულნი. მთელმა რაიონმა იცის მათი ერუდიციის, პატოსნების და საქმის ერთგულების შესახებ. ჩემი გულის ნაწილი ამოვავლოე ჩემს უფროს მეგობარსა და საყვარელ ადამიანზე თინა ფავლენიშვილზე დაწერილ წერილს „ახლა კი ტკბილად დამეძინება“, როცა ის წნორის მოხუცთა თავმჯდომარე და ვაბაძის გულს და ვიმიძევა, რომ აღარც სციოდა, აღარც შიოდა და ადამიანების ნატრულს ხალხთან ყოფნის საშუალება მიეცა. მინდა გავიხსენო მარიამ ოჩიაური წერილით „მარამდე“ – 92 წლის ქალბატონი, შეუდარებელი მოლექსე და ხევსურული ხელსაქმის დიდი ოსტატი. შეუძლებელია, ჩემი კალმის მიღმა დარჩენილიყო ვანო სოსიკოს ძე ფიროსმანაშვილის, იგივე „წყალწყალას“ საინტერესო ცხოვრების გზა მოჯამაგირეობიდან რომ იწყებოდა და სოფლის

და, ასეთი ფრაზა მითხრა: „სინდისი და პატიოსნება დემოკრატიის ფუნდამენტური საყრდენიაო“. ასეთ განმარტებას, ბოდიში და, ზოგიერთი სახელმწიფო მოხელე ვერ გეტყვით, სახელმწიფოს მშენებლობაზე რომ აქვს პრეტენზია.

გაგვიკვირდებათ და ბატონმა არსენმა ზუპირად იცოდა საქართველოს ისტორია ფარანავაზიდან მოყოლებული, ბაგრატიონთა გვარი, დავითი, პატარა კახი, თამარი და არამარტო საქართველოს, ირანის, აზნის ქვეყნების, ამერიკის და სხვა. კაცი, რომელმაც ზეპირად იცოდა თითქმის მთელი „ვეფხისტყაოსანი“, ვაჟა, ილია, ყაზბეგი, კითხულობდა თომას მანს, ბალზაკს, მსოფლიო კლასიკოსების შემოკრებებს და იყო წარმოუდგენლად ნაკითხი. „კითხვა წიგნისა ჩემი ორგანული მოთხოვნითაა და მიუხედავად იმისა, რომ თვალეში მტკივა შედუღებისაგან, ვერ დავიძინებ ისეო“, – გვითხრა.

დიდი და საინტერესო გზა გაიარა რაიონის ერთ-ერთმა უხუცესმა კაცმა აბრამ ხარაშვილმა. 14 წლის იყო, ომი რომ დაიწყო, მამის ხარ-უღელი გადაიბარა, ხუთი წელი ოჯახი აინაბრა, 19 წლისამ სწავლა გააგრძელა. უბრალო პოლიციელობიდან დაიწყო და პოდპოლკოვნიკის

ჩ ე მ ი უ ნ ი ვ ე რ ს ი ტ ე ტ ი

ჩემს მშობლიურ უნივერსიტეტს და-არსების 100 წელი შეუსრულდა. იგი გაიხსნა 1918 წლის 8 თებერვალს, დავით ამაშენებლის ხსენების დღეს. ჩემს დროს, იგი ი.ბ. სტალინის სახელობის სახელმწიფო უნივერსიტეტი იყო. დროთა განმავლობაში ღირებულებები გადაფასდა, ახლა იგი ივანე ჯავახიშვილის სახელობისაა.

დაუფინყარი ჩემთვის უნივერსიტეტის წლები. ვამბობ ჩემი, იმიტომ, რომ იგი გულთან ახლოსაა.

როგორც ნიკოლოზ ბარათაშვილი აღნიშნავდა, „რაც ერთხელ ცხოვლად სულს დაჩნდების, საშვილიშვილოდ გარდაეცემის“.

ალბათ საინტერესოა, რატომ ავირჩიე უმაღლესი განათლების მისაღებად თბილისის სახელმწიფო უნივერსიტეტი. ეს ბავშვობის ოცნება იყო მისი რეიტინგულობისა და პრესტიჟულობის გამო.

ზედა კლასებში სწავლისას, ოთახში თვალსაჩინო ადგილზე გამოკრული მქონდა უნივერსიტეტის პირველი კორპუსის ფოტოსურათი, აქ უნდა ვისწავლო-მეთქი. მიუხედავად იმისა, რომ საშუალო სკოლის დამთავრების ოქროს მედალი და სამედიცინო ინსტიტუტის სამკურნალო ფაკულტეტის ლიმიტიც მქონდა, სწავლა მაინც უნივერსიტეტის მექანიკა-მათემატიკის ფაკულტეტზე გავაგრძელე და არც შევმცდარვარ. უნივერსიტეტმა ცოდნის მოცემის გარდა, ცხოვრების ლაბირინთებში გზის გაკვლევაც მასწავლა.

თანამედროვე ცხოვრება ბევრის მომცველი და მომთხვინია. რომ დაინტერესო მსმენელი, არც ისე იოლია, ეს, მეცნიერების საფუძვლების ცოდნასთან

ერთად, ზოგადი განათლების საკმაო ცოდნით მიიღწევა. ჩემი პროფესიიდან გამომდინარე, არ კმარა მხოლოდ ფილოზოფიკლორენისა და ლიპიტალის წესის ცოდნა, ზოგადი განათლებაცაა საჭირო. უმაღლესი განათლების მქონეს კომპიუტერული ცოდნისა და ელექტრონულ ვერსიებში წვდომის უნარიც უნდა გქონდეს.

გასული საუკუნის მეორე ნახევრის 60-იან წლებში საქართველოში 19 უმაღლესი სასწავლებელი იყო და მათ შორის ერთი უნივერსიტეტი, რომელიც, მართლაც, მსმენელს უნივერსალურ ცოდნას აძლევდა, ხოლო პედაგოგიური ინსტიტუტები საუკეთესო კადრებს უშვებდა. ამჟამად სოკოებოვით მომრავლდა უმაღლესი სასწავლებლები, რომლებსაც, რატომღაც, უნივერსიტეტები დაერქვა. ეს, როგორც იტყვიან, უნივერსიტეტის სახელის გაუბრალოების კლასიკური მაგალითია. თუ კვლავ, ჯეჯელა-კომბლეს შორსნასული „ხედვები“ განხორციელდა, ალბათ, სამრეკლოს კოლეჯსაც უნივერსიტეტი დაერქმევა (ღმერთმა ნუ ქნას!)

ჩემი აზრით, მნიშვნელობა აქვს იმა-საც, სტუდენტი სად მიიღებს ცოდნას, დედაქალაქში თუ პერიფერიაში (თბილისში თუ ახალციხეში). უნივერსიტეტი მეცნიერული მუშაობისთვის (თუ ეს შესაძლებელი იყო) ამზადებდა სტუდენტებს, პედაგოგიური ინსტიტუტები – პედაგოგებს, სასოფლო-სამეურნეო ინსტიტუტები – სოფლის მეურნეობის მუშაკებს და სხვა.

ნურავინ გამამტყუნებს, თუ ვიტყვი, რომ არ მჯერა, პერიფერიული უნივერსიტეტების სამეცნიერო კადრები

ისეთივეა, როგორც თბილისის სახელმწიფო უნივერსიტეტში.

მეამაყება, რომ ჩემს დიპლომს ამშვენებს სახელგანთქმული აკადემიკოსის ნიკოლოზ მუსხელიშვილის ხელმოწერა.

წარსულში აქ მოღვაწეობდა და წლების მანძილზე უნივერსიტეტის რექტორი იყო ცნობილი მეცნიერი და საზოგადო მოღვაწე აკადემიკოსი ნიკო კეცხოველი, ასევე დიდი მეცნიერი და ასევე უნივერსიტეტის ყოფილი რექტორი, შემდეგში ახლადგახსნილი ნოვოსიბირსკის უნივერსიტეტის პირველი რექტორი, სსრ კავშირის მეცნიერებათა აკადემიის აკადემიკოსი ილია ვეკუა.

ჩემს დროს თბილისის სახელმწიფო უნივერსიტეტში მოღვაწეობდნენ ისეთი მეცნიერები, რომელთა მსგავსს მსოფლიო დონის ნებისმიერი უნივერსიტეტი ინატრებდა. თავს მივცემ და დავასახელებ ზოგიერთ მათგანს: საყოველთაოდ ცნობილი მეცნიერ-აკადემიკოსი ვიქტორ კუპრაძე, შემდეგში განათლების მინისტრი, აკადემიკოსი გიორგი ძონენიძე(ყოფილი რექტორი), თეორიულ მექანიკას კითხულობდა აკადემიკოსი ნიკოლოზ ვეკუა, ასტრონომიის ისტორიასა და ასტროფიზიკას სსრ კავშირის მეცნიერებათა აკადემიის აკადემიკოსი, შემდეგში თბილისის სახელმწიფო უნივერსიტეტის რექტორი და საქართველოს მეცნიერებათა აკადემიის პრეზიდენტი, საქართველოს მეცნიერებათა აკადემიის აბასთუმნის ასტროფიზიკური ობსერვატორიის დირექტორი, ჩემი საყვარელი პროფესორი და აღმზრდელი, რომელმაც სამუშაოდ და სამეცნიერო მუშაობის დასაწყებად აბასთუმნის ასტროფიზიკურ ობსერვა-

ტორიაში წამიყვანა- აკადემიკოსი ევგენი ხარაძე.

პირველი ლექცია გვექონდა უმაღლეს ალგებრაში აკადემიკოს გიორგი ჭოლოშვილთან.

მეამაყება, რომ ისეთი აღმზრდელი მყავდა, როგორც იყო ლვანტოსილი მეცნიერი, მათემატიკური ანალიზის წიგნის ავტორი, პროფესორი არჩილ ხარაძე (ევგენი ხარაძის უფროსი ძმა).

სტუდენტებს გამორჩეულად გვიყვარდა პროფესორები: დავით კვეცილა-ვა, და-ძმა ნინო და ლეო მალნარაძეები. ბატონ ლეოს უნივერსალური ცოდნა ჰქონდა, თუ რამ გასარკვევი გვექონდა, ფაკულტეტის დეკანი თევდორე ცხაკაია მიგვითითებდა: ლეო მალნარაძეს მიმართეთ, ის გაგარკვევთ...

არ შეიძლება არ დავასახელო მათემატიკური ფიზიკის ლექტორი, პროფესორი პოლიკარპე ზერაგია, რომელიც შიშის ზარს სცემდა სტუდენტებს. ზოგად ფიზიკას დიდებულად გვასწავლიდა გალინა ვეფხვაძე. პირადად ჩემზე დიდი ამაგი აქვთ ასტრონომიის კათედრის პროფესორებს: მიშა კოლხიდაშვილსა და გივი კვიციანიას, რომელთაც წლების შემდეგ, სოფელში, ჩემს სახლში მომაკითხეს.

მოგონებებს რა დაღვეს...

შეიძლება იფიქროთ, სულ თავის ყოფილ ლექტორებზე საუბრობსო, მაგრამ უნივერსიტეტის ემბლემა-შველი თავის ნუკრს ძუძუს აწოვებს, ალექსანდრე ყაზბეგის სიტყვები გამახსენა: „ვინც თავისას ვერ სთვისობს, მწოველის ძუძუ შხამად შეერგებაო“.

ივანე მუსხელიშვილი

„დადა-უნივერსიტეტის“ 100 წლისთავისადმი

(მეოთხე გვერდიდან)

ძალიან საინტერესო იყო შეხვედრა ერთ-ერთ გამორჩეულ ქალბატონთან, ექიმთან და ხელოვანთან მარინა ლვინაშვილთან. რამდენიმე წლის წინ მისი ნაქარგების გამოფენამ, „შოკი“ ჩააგდო დედოფლისწყაროს საზოგადოება. წარმოდგენილი ნებისყოფის, შრომის და თერთად გათენებული ლამების შედეგი იყო მუზეუმის ორ დარბაზში გამოფენილი 80 ნამუშევარი. მარინა ლვინაშვილის და გენადი შილოშვილის ოჯახს ყველა იცნობს ჩვენს რაიონში, მათ ორი წარმატებული შვილი გაზარდეს. ჩვენ ამაყები ვართ, რომ პარლამენტში გვეყავს ღირსეული წარმომადგენელი ირაკლი შილოშვილის სახით.

„გუმინდელი დღით კმაყოფილი ადამიანი მომავალს ვერ შექმნის“-გვითხრა სოფლის მეურნეობის ცნობილმა სპეციალისტმა, ფერმერმა ჯემალ კვანჭილაშვილმა, როცა ორი წლის წინ საიუბილეო 75 წლისთავისათვის მასზე ნარკვევი ვაკეთეთ. დიდი კმაყოფილება გამოიწვია მკითხველში, გამოცდილი, მაღალკვალიფიციური ოჯახის ექიმის, შესანიშნავი მეუღლის, დედის და ბებულის ლილი ბეგაშვილის წერილმა. საქართველოს ბანკის დედოფლისწყაროს სერვისცენტრის მენეჯერი ალიკა გოგაშვილი არამხოლოდ შესანიშნავი ფინანსისტია, არამედ სამი ვაჟის მამა, კარგი მეუღლე და შვილი. ნინო ბოსტოლანაშვილის დიდი პედაგოგიური გზა და დამსახურება უფროსმა თაობამ კარგად იცის.

გამოცდილ და ღვანტოსილ ადამიანთა გვერდით უყურადღებოდ არც მომავალი თაობა დამიტოვებია. მოლოდინს გადააჭარბა №1 საჯარო სკოლის ოქროს-მედალოსანი კურსდამთავრებულის თამარ მადნაძის პერსპექტიულმა აზროვნებამ. ის მომავალი დიპლომატია და მიაჩნია, რომ დიპლომატს აქვს არამარტო პოლიტიკური დატვირთვა, არამედ მისიაც, მშვიდობიანი გზით შეაჩეროს ომები, აღმოუჩინოს გაუგებრობები, დაარეგულიროს დაპირისპირებები, ქვეყანას დაეხმაროს ეკონომიკურ გაძლიერებაში. მარინა მეზრიშვილის და თამაზ მახარაშვილის უფროსი ქალიშვილი, ასევე ოქროსმედალოსანი გვანცა მახარაშვილი თავისუფალი უნივერსიტეტის სამართლის ფაკულტეტის წარჩინებული სტუდენტია. მას

კონკრეტული მიზანი აქვს – შეისწავლოს საგადასახადო სამართალი და იბრძოდეს ბიზნესში სამართლიანობისთვის. ნინო მანშიაშვილი მომავალი ბიოლოგია, ექიმი დედის და ბიოლოგი ბებუის გავლენით, გენეტიკის მკვლევარი უნდა რომ გამოვიდეს. კრეატიული აზროვნებით გამორჩეული, საზოგადოებრივ აქტივობებში ჩართული სოფიო ჯეთურიშვილი კი მომავალი ფილოლოგია. ის თელავის უნივერსიტეტში სწავლობს. „მატარა ქალბატონის განცდები შორეულ აფრიკაში“-ასე დავანათარქეთ ინტერვიუ ეკატერინე გვერდისტაქსთან, რომელმაც სულანში მშობლებთან – მხატვარ ლალი მერაბიშვილთან და მფრინავ დავით გვერდისტაქსთან ერთად გაატარა არდადეგები, ბევრი საინტერესო რამ მახს და შთაბეჭდილებები მკითხველსაც გაუზიარა.

პედაგოგების თამილა ნადირაშვილის და მარიამ კვიციანიას ოსტატობით. ისინი ორივე ძალიან საინტერესო რესპოდენტები არიან. გამორჩეული ბედის კაცი იყო მხატვარი და შემოქმედი ხვთისო ბიკაშვილი, რომლის ამქვეყნიდან წასვლამაც გული დაგვწყვიტა. მის ცხოვრებასა, სიხარულსა და სიყვარულზე მოუთხრობდი სწორედ მისი სსოვნისადმი მიძღვნილი გამოფენის აღწერისას წერილში, რომელიც მკითხველის მესხიერებაში ნამდვილად დარჩა. ახლა კი ჩემი ბოლო რესპოდენტი მინდა წარმოგიდგინოთ – ეს ჩვენი რაიონის ერთ-ერთი კოლორიტი და საინტერესო პიროვნება, კლარნეტისტი ავაქ ავაქიანია. მის შესახებ ნარკვევი ორი ნომრის წინ გამოქვეყნდა და დიდი რეზონანსი გამოიწვია. ათობით მკითხველმა დამირეკა და კმაყოფილება გამოთქვა ამ კაცის წარ-

- ჩვენს ორგანიზაციას 10 წლისთავი შეუსრულდა. ამ ათი წლის მანძილზე ბევრი საინტერესო პროექტი და ღონისძიება განვახორციელეთ. დღეს უნივერსიტეტის 100 წლისთავს ვხვდებით, 5 წლის წინ კი ჩვენი ინიციატივით 95 წლისთავიც მასშტაბურად აღინიშნა და ამ ღონისძიების ამსახველი ფოტოები საიუბილეო 100 წლისთავზე უნივერსიტეტის ფოიშია გამოფენილი. ამასთან დაკავშირებით უნივერსიტეტის რექტორმა გიორგი შარვაშიძემ განაცხადა: ჩემთვის ცნობილია, რომ საზღვრისპირა რაიონში აქტიურად მუშაობს მნივნობართა ასოციაცია, რომლის თანათავმჯდომარე არის ნანა ჭიჭინაძე, გამგეობის წევრები: ნუნუ ცაკაშვილი, ნაირა გორაშვილი, ინგა შიოლაშვილი, რომლებიც ჩვენი კურსდამთავრებულები არიან. ისინი ეხმარებიან ჩვენთან გამართულ ღონისძიებებს და ადგილზეც ატარებენ აქტივობებს ჩვენთან მიმართებაში. მაგალითად, უნივერსიტეტის 95 წლისთავი. იმედი, 100 წლისთავიც ღირსეულად აღინიშნება. მართლაც, მნივნობართა ასოციაციის წლიურ გეგმას, რომელიც დამსწრეთ ქალბატონმა ნანამ გააცნო, ლეიტმოტივად ეს საიუბილეო თარიღი გასდევს. ლია ჩოქურმა დამსწრეთ გააცნო ამონარიდი გაზეთ „საქართველოს რესპუბლიკაში“ გამოქვეყნებული სტატიიდან „სიყვარულით მავალი ორგანიზაცია“, რომელიც კვლავ წიგნისკენ გვაბრუნებს, სადაც სწორედ მნივნობართა ასოციაციის დედოფლისწყაროს განყოფილების საქმიანობაზე არის საუბარი. ღონისძიების დასასრულს აზრი გამოთქვეს და უნივერსიტეტის 100 წლისთავი მიულოცეს გივი ლვინაშვილმა, მერაბ რობიტაშვილმა, ლეილა ფიროსმანაშვილმა, ნათელა პოპიაშვილმა, ნელი შოშიაშვილმა და სხვებმა.



საუბრის ბოლოსთვის შემოვიწახე ნარკვევები ჩვენი ხელოვანების შესახებ. თავისი საინტერესო და ხანგრძლივი ცხოვრების შესახებ მოგვითხრო ჩვენი რაიონის უხუცესმა მსახიობმა ნინა ყოჩიაშვილმა, რომელსაც მსახიობობაზე არასოდეს უოცნებია, მაგრამ ნახევარი საუკუნე სცენაზე იდგა და სუფილორიდან დაწყებული, მრავალი მთავარი გმირის განსახიერება მოუწია. აბა, ვინ არ იცნობს გია ალუღიშვილს, იგივე კორნაპეს, ცნობილ მხატვარს და ხის მხატვრული დამუშავების შესანიშნავ ოსტატს. მისი ნახელოვანი ჩვენს ღვთისმშობლის მიძინების ეკლესიასაც ამშვენებს. ჩვენი უმრავლესობა დასწრებია და მოხიბლულა სამუსიკო სკოლის წარმატებული

მოჩენისათვის. 86 წლის ასაკში ის ახალგაზრდული შემართებით ფლობს საყვარელ ინსტრუმენტს და გატაცებით ასრულებს ქართულ მელოდებს.

47 წლის მანძილზე ჩემს არქივში იმდენი ადამიანის ცხოვრება, ხასიათი, პიროვნული თვისება და პროფესიონალიზმი დავგროვებ, რომ ნახევარის წარმოდგენაც კი ვერ მოვახერხებ. ბოდიშს ვუხდი ყველას, ვინც ამ წერილში ვერ მოვიხსენე, რამაც მე უკმაობისობის გრძნობა დამიტოვა, – თქვა ქალბატონმა ნაირამ.

ღონისძიების შემდეგი საკითხი წარმოადგინა ნანა ჭიჭინაძემ, რომელიც მნივნობართა ასოციაციის დედოფლისწყაროს რაიონულ განყოფილებას ეხებოდა.

ნინო მუსხელიშვილი

ცხოვრებაში არაფერია შეუქლებელი

სოფელ ხორნაბუჯში არსებულ ხალხთა მეგობრობის მუზეუმის დირექტორს, ქეთევან მჭედლოძეს და სამხედრო კომისარიატის ყოფილ უფროსს, ამჟამად ბიზნესმენს, ბესო ბიბილაშვილს დედოფლისწყაროში ყველა იცნობს. მათი ლამაზი ოჯახი სიყვარულით შეიქმნა და ნიშნდობლივია, რომ ის ოჯახური ერთობლიობა და პარამონია, რამაც ისინი წლების წინ დააკავშირა, დღემდე გრძელდება. ბოლო წლებში ქალბატონმა ქეთევანმა არასამთავრობო ორგანიზაცია ქალთა ახალგაზრდობის ცენტრი „თამარის ციხე-ხორნაბუჯი“ ჩამოაყალიბა და მუზეუმის ხელმძღვანელობასთან ერთად, აქტიურად, დიდი სიბრძნით უძღვება მის საქმიანობას. სწორედ ეს სათნო ბუნების, აქტიური და ნარმატიული ქალბატონია ჩვენი ნომრის სტუმარი.

ქალბატონ, ქეთევან, რამდენი წლის წინ შექმნა თქვენი ოჯახი და სად გაიცანით ბატონი ბესიკი?

-სტუდენტობისას სამეგობრო წრეში გავიცანით ერთმანეთი. მერე გაჩნდა სიმპათიები მისგანაც და ჩემგანაც. ვხვდებოდით და მოგვნიდა ერთმანეთი. ჩვენმა გრძნობამ განვითარება პპოვა და ლამაზად ვატარებდით სტუდენტობის წლებსაც. როდესაც მე ვამთავრებდი, მას ერთი წელი კიდევ ჰქონდა დარჩენილი, საქმეში ჩართო თავისი ძმა, მოილაპარაკეს და მოტყუებები წამოვიყვანე ისე, რომ იძულებული გახდით, გადამეცეტოდა სწრაფად მიმიღო. ცხადია, ბევრი არც მიფიქრია და დავრჩი. მას შემდეგ 34 წელია, ერთად მოვიდვართ და ერთმანეთის გვერდში ვართ. ჩვენ 15 აპრილს დავქორწინდით, მაშინ 15 აპრილი სიყვარულის დღედ არ იყო აღიარებული, ეს მერე შემოიღეს, თუმცა, არც ეს დღე და არც ვალენტინობა გამოჩნულ დღესასწაულად არ მიმარჩია, ვფიქრობ, რომ ყოველი დღე სიყვარულისაა. გავთხოვდი თუ არა, ქალის და დედის ფუნქცია შევითავსე, შეგვიძინა შვილები და მათი ყოველდღიურიზა გახდა ჩემი ცხოვრების ამოსავალი ნერტილი, წლები ვიცხოვრე იმ საფეხრალით, თუ რა მოსწონდათ ბავშვებს და რა არ მოსწონდათ. მართალია, ბესო, ძირითადად, სულ გარეთ იყო გასული და გარე საქმეებს მართავდა, მაგრამ ჩვენ ორივემ ერთად აღვზარდეთ შვილები.

ოჯახი დიდი სკოლაა, ამბობენ,

რომელშიც ნასაყუდელსაც ვპოულობთ და გაჭირვებებსაც ვიტანთ. ყოფილა თუ არა, რთული გამოწვევები თქვენს წინაშე და როგორ გადალახეთ ისინი?

-მოგესხებოდათ, ისეთ ოჯახში ვიზრდებოდი, რომ არაფერი მაკლდა, ყველა სურვილს მისრულებდნენ, თუმცა, ოჯახის შექმნის შემდეგ, არ დავმალავ და ვიტყვი, რომ გაჭირვება ვიცი, ჩემი მეუღლე წარმოშობით ვახისუბნიდან გახლავთ, მისი მშობლიური სახლი კი გველოდა, მაგრამ იქ ცხოვრებას დედოფლისწყაროში დაბინავება ვარჩიეთ. გვექონია რთული და მძიმე პერიოდებიც, თუმცა ერთად დგომით და ერთმანეთის პატივისცემით ბევრი რამ ადვილად გადავიტანეთ. კამათიც ბევრჯერ მოგვსვლია და ეს ნორმალური ცვა, მაგრამ ერთმანეთის პატივისცემა და სიყვარული არასოდეს დაგვიკარგავს. წლების შემდეგ ეს ყველაფერი იგივეტრება და რჩება ნამდვილი, გამობრძმედილი, უკვე დაღვივებული, უფრო ძლიერი სიყვარული და ის წვრილმანი ნერვოლოზები, რომელიც გადავიტანეთ, ახლა ძალიან სასაცილოდ გვეჩვენება. ახლა შვილიშვილების ცხოვრებით ვცხოვრობთ, სად გავსაყირობთ ისინი, რა შევუძინოთ, რა ვასიაშოვნოთ და სხვა ყველაფერი ნაკლებმნიშვნელოვანია ჩვენითვის.

თქვენ გაჭირვება ახსენებ, საინტერესოა, როგორ უძლებდებოდნენ კარგი წყვილები ამ პრობლემას?

-დაიბ, იყო ჩვენს ცხოვრებაში პერიოდი, როდესაც კვების პრობლემაც კი გვექონდა, თუმცა, ჩვენ ბავშვიზმს არ მივცემდით, პირიქით, პატივით, პატივით გვიმსახიობია, რომ ყველაფერი კარგადაა და სახეზე მუდამ ღიმილი გვექონდა. მასხვს, ერთხელ, ხორბლის კატლებიც კი ვაგვკეთებდა ბავშვებს მოვარევენ, რომ ის ხორცის იყო. ალბათ, ბესო რომ არ მდგარიყო ჩემს გვერდით და მას არ გავემხნეებინე, ამ ყველაფერს მარტო ვერ შევძლებდი, ერთად დგომამ ბევრი რამ გადავტანინა.

თქვენ და მუზეუმი, რას ნიშნავს ეს სამყარო თქვენთვის?

- 30 წელი მაკავშირებს ამ მუზეუმთან და ის უკვე იმდენად ჩემია, იმდენად საკუთარია, რომ მიჭირს ამ სამყაროს გარეშე ცხოვრება. ბევრს არ ვისაუბრებ, უბრალოდ ვიტყვი, რომ ამჟამად სარეაბილიტაციო სამუშაოები მიდის ამ შენობაში და გახსნისას აუცილებლად მოგიწევთ. სათქმელი მაშინ უფრო მეტი გვექნება.

კარგი შვილების აღზრდა დიდი პატივია, თქვენს შვილებზე რას იტყვით?

-რა თქმა უნდა, დამიფასდა შვილებზე განუვლი ამაგი. სოფო 31 წლისაა, მას თბილისის ივ. ჯავახიშვილის სახელმწიფო უნივერსიტეტი აქვს



დამთავრებული, სწავლა გააგრძელა მაგისტრის ხარისხზე ილიას უნივერსიტეტში, პარალელურად მუშაობს ტექნიკურ უნივერსიტეტში უფროს სპეციალისტად, ახლახანს დოქტორანტურაც დაუფინანსა სახელმწიფომ, ლექტორობაც შესთავაზეს თავისი განხრით, თუმცა, ჯერ ისევ სწავლას უთმობს დროს. ჩვენმა ვაჟმა ირაკლი ბიბილაშვილმა ილიას უნივერსიტეტი დაამთავრა და კომპიუტერული დაპროგრამების სპეციალისტია. ახლა ის 26 წლისაა, სწორედ მასზე ითქმის, თუ რამეს მოინდომებს, მიუღწევს არ არსებობსო. წულიდან დაინწყი და ყველაფერს თავისი მიანიხნა:

- თავდაპირველად იყო სასტუმრო „პოლიდენის“ დაპროგრამების სპეციალისტი, რომ დაინახეს საუკეთესო მუშაკი იყო, დაინიშნა და შესთავაზეს ჯერ სანკობის გამგეობა, შემდეგ ახალი სასტუმროს უფროსობა. ამჟამად „პოლიდენიში“ შესყიდვების მენეჯერის პოზიციაზეა. ეს საკმაოდ დიდ პასუხისმგებლობაცაა და მიღწე

ვაც, ჩვენ შვილების ბედს არ ვემდურით, თუმცა, ისინი ახალგაზრდები არიან და ყველაფერი წინ აქვთ.

როგორ უნდა გაზარდო შვილები იმისთვის, რომ ისინი წარმატებული გახდნენ?

-მინდა გითხრათ, რომ წარმატება ისე არ მოდის, ყველაფერს შრომა სჭირდება, თავდადება უნდა იყოს და მხოლოდ ამის შემდეგ იღებ კარგ შედეგს. მე მუდმივად გულწრფელი ვიყავი შვილების მიმართ, მათ აზრს ვიზიარებდი, პატივს ვცემდი თითოეულ მათ ნააზრევს და ისინი ყოველთვის გრძნობდნენ ჩემგან ნაწუქარ უფიქრულ სიყვარულს. მეც ვუზიარებდი ჩემს აზრებს შვილებს, მერე მათ მოსაზრებასაც ვკითხულობდი და ვურჩევდი, თუ სამართლიანად მიაჩნდათ, გაეთვალისწინებინათ ჩემი დარიგება. მშობელმა ბავშვების განათლებაში, მათ გვერდით დგომამი ყველაფერი უნდა ჩადოს, მათ გართობაზე, მათ ბედნიერებაზე მუდმივად უნდა იზრუნოს დედამაც და მამამაც, შემდეგ ეს ყველაფერი თავის ასახვას პპოვებს.

დღეს ბევრი ოჯახი ინგრევა, ამას კი, საფუძვლად, ხშირ შემთხვევაში, ეკონომიური პრობლემები უდევს, თქვენ რას ფიქრობთ ამასზე. ეს შეიძლება გახდეს ოჯახის ხელშეშლის დანგრევის მიზეზი?

- თუ ორივე ადამიანს გააჩნია პასუხისმგებლობა, რომ გაჭირვებაშიც ერთმანეთის პატივისცემა არ დაკარგონ, პირიქით გაძლიერდნენ, ცხადია, ამ შემთხვევაში ყველაფერი ნორმალურებადაა. ადამიანმა სიღარიბე თავში არ უნდა აიგდოს, უნდა ეცადოს, შეძლებისდაგვარად, მშვიდად გამოვიდეს გასაჭირიდან. მეც ჰქონდა ასეთი პერიოდი, ვიძინდი უბრალო ბამბახის და ჩითის ნაჭრებს და თავად ვუკერავდი სოფოს ისეთ ლამაზ-ლამაზ კაბებს, რომ ბავშვი მუდმივად მომსწრედა. ადამიანმა დასტანა და სკოლაშიც. ერთი რამაა, ადამიანი ბედით არასოდეს არ უნდა იყოს უკმაყოფილო, თუ ეს განცდა აქვს, ის ბოლომდე გამყვება და დასტანავენ.

თქვენი ოჯახი 34 წელს ითვლის, რას ურჩევდით ახალგაზრდა წყვილებს, იმისთვის, რომ შეინარჩუნონ ქორწინება ბოლომდე?

-ჩემს გამოცდილებას გაუფიქრებთ ისე: - შენით რომ აღწევ და იბრძვი, რომ მეტი შექმნა და გააკეთო, ეს ბევრად გემორივი და ტკბილია. გაჭირვებამ უფრო ბევრი მასწავლა, ვიდრე

ფუფუნებით ცხოვრებამ. მე და ბესო პრობლემებს არასოდეს გავეძევით და ამით უფრო გავძლიერდით. შვილებიც დამოუკიდებელი არიან, რადგან ასეთი მოწოდებით გავზარდეთ: ბავშვს უნდა შეუწყო ხელი, მაგრამ ბოლომდე ცაში არ უნდა აცხოვრო, უნდა მისცე შესაძლებლობა, პრობლემებიც დაინახოს და არქონაც, რათა რეალისტურად იასროვნოს და ცოტა საფეხრალი მასაც ჰქონდეს, თუ როგორ იცხოვროს მომავალში.

მოკლედ დაასაბამეთ თქვენი მეორე ნახევარი, როგორია ბატონი ბესო და როგორი თვისებების ხართ თქვენ?

-ბესო მთის კაცია და სისხლში მანც სიფიცხე აქვს გამაჯდარი, მე უფრო მშვიდი ვარ, ამიტომ, როდესაც ის ბრაზობდა, მე ვუთმენდი, როცა მე ვიყავი უკმაყოფილო რამით და პრეტენზიებს ვაცხადებდი, ის მითმენდა, თუმცა, არცერთი არ გავცვივართ ჩვენს წინაშე არსებულ გამოწვევებს. ურთიერთგაგება, ერთმანეთის პატივისცემა და ერთ ოჯახად ყოფნა ყოველთვის უმთავრესია, წვრილმანებს არ უნდა მიეცეს ყურადღება, საბოლოო ვაჟში ჩვენ ხასიათში ერთმანეთს დავემსგავსეთ, ერთმანეთის თვისებები მევიძინეთ. უბრალოდ, ხანგრძლივი თანაცხოვრების მანძილზე მუდმივად ერთმანეთს ემსგავსებთან ხოლმე.

რა გასწავლათ ცხოვრებამ და როგორ შეფასებთ აძლევი ამ მომენტში განვილი ცხოვრებას?

-იცი, ახლა რომ ვფიქრობ, ხშირად ჩემს გულს ვეუბნები, რომ, როგორც ქალმა ყველაფერი ვეცადე და გავაკეთე ოჯახის ნიშნისთვის, ვცდილობდი ყველაფერი მეკეთებინა, ყველაფერი გამომსვლოდა, დასახლისობაც, გამომგონებლობაც, ხალისიანი ცხოვრებაც, კარგი შვილების აღზრდაც. მთავარია ვეცადე, არ დავიშორე ცდა და როგორც გამოვივიდა, გამოვივიდა. ახალგაზრდებს ვურჩევდი, რომ სიმშვიდე შეინარჩუნონ, ცხოვრებაში მთავარია მუდმივად, ყველაფერი დაძლევა და გადალახვა, ბოლომდე უსმინონ ერთმანეთს და არაფერს არ შეუმინდნენ. ეცადონ, მშვიდად მოჰყვებინა ყველა საქმეს ხელი, ერთმანეთის აზრი გაითვალისწინონ და პატივი სცენ ერთმანეთს, დაანარჩენი ყველაფერი თავისთავად.

ლალი მხრინიძე

„...ოდესმე სახლს აუცილებლად ვიყიდი“



1965 წლიდან, საბჭოთა კავშირის უზენაესი საბჭოს პრეზიუმის ქალთა საერთაშორისო დღე უქმედდებოდა. 1975 წელს გაერომ ქალთა საერთაშორისო წლად, ხოლო 8 მარტი ოფიციალურად გამოაცხადა ქალთა დღესასწაულად. საქართველოში დღესასწაული, სადაც ეს დღე სხვა საბჭოთა ქვეყნების მსგავსად აღინიშნებოდა, სსრკის დაშლის შემდეგ გაუქმდა. თუმცა, 2002 წლის მარტში, შევარდნის პრეზიდენტობის დროს, პარლამენტის გადაწყვეტილებით, ქალთა საერთაშორისო დღე - 8 მარტი დღესასწაულის სტატუსს კვლავ მოიპოვა. ამ გადაწყვეტილების ინიციატორი ნინო ბურჯანაძე გახდა, რომელიც მაშინ პარლამენტის თავმჯდომარე იყო.

პრეზიდენტი მნიშვნელობა აქვს, რომლითაც გენდერული თანასწორობის საკითხებში წინ უნდა წამოიწიოს. ხშირად არის მსჯელობა სხვადასხვა წრეებში, უნდა არსებობდეს თუ არა ქალთა დღეებისადმი განკუთვნილი ორი უქმე, მაგრამ, თუ გადავხედავთ ჩვენი ქვეყნის უახლეს ისტორიას და მიმდინარე პოლიტიკურ-საზოგადოებრივ მოვლენებს, უმრავლესი ოჯახების რეპრესიული ხასიათიდან დაწყებული - მმართველ ორგანოებში ქალთა არაპროპორციული წარმომადგენლობით დამთავრებული, ისმის პასუხი-რატომაც არა!

დღის დღის დღესასწაული 3 მარტს საქართველოს პირველმა პრეზიდენტმა ზვიად გამსახურდიამ დაანებს, რომელი გადაწყვეტილებაც 1991 წელს საქართველოს უზენაესმა საბჭომ დაამტკიცა. დასავლეთის ქვეყნებში „დღის დღე“ დიდი ხნის ტრადიცია აქვს და უმეტესად მაისში აღინიშნავენ, მაგრამ ჩვენთან, ქალთა საერთაშორისო დღის, 8 მარტის ჩასახიცვლებლად მარტის თვეში გადამოიტანეს. თუმცა, დღეს ორივე თარიღი - 3 და 8 მარტიც ცალ-ცალკე აღინიშნება. 3 მარტს დედებს და ორსულ ქალებს ულოცავენ, 8 მარტს კი - მდედრობითი სქესის ყველა წარმომადგენელს. შევასხენით, რომ ორივე დღესასწაული - საქართველოს მოქმედი კონსტიტუციით, უქმედაა გამოცხადებული. სწორედ გაზაფხულის დღესასწაულთან დაკავშირებით გადაწყვიტეთ, 8 შვილის დედასთან ჩაგვეხერხა ინტერვიუ, რომელიც არის

აგრეთვე სოციალურად დაუცველი და აფხაზეთიდან დევნილი.

მინი-ლოსი: თამუნა ჩიტაია, აფხაზეთიდან დევნილი, 29 წლის. 7 წელია, მეუღლესთან ზაზა ფილაურთან და შვილებთან ერთად ქორთი ცხოვრობს დედოფლისწყაროში. აქვს საშუალო განათლება, 8 შვილიდან 4 ვაჟი და 4 გოგონა, უფროსი ვაჟი 12 წლისაა, დანარჩენ ბავშვებს შორის სხვაობა თითო წელია, ყველაზე უმცროსი 4 თვისაა. თამუნა 2 წლის იყო, როდესაც მისმა მშობლებმა ომის დროს ოჩამჩირე დატოვეს და რუსეთში ჩამოვიდნენ საცხოვრებლად.

მოგიყვებით, როგორ შექმენით ოჯახი და ასეთი სოციალური ფონზე რამ გადაგანწყვეტინათ ასეთი გვირუკის ნაბიჯის გადადგმა?

- ოჯახი სიყვარულით შექმენით ჯერ კიდევ 16 წლის ასაკში. ჩვენ მორწმუნეები ვართ და არ შეგვიძლო ბავშვის მოცილება, წარმოუდგენელი იყო ჩვენითვის ეს ნაბიჯი.

რას ასწავლით ბავშვებს, აღზრდის კუთხით, რა არის თქვენთვის პრიორიტეტული?

საღამოობით ვუყვებოდა და ვუკითხავ ზღაპრებს, უყვართ სატვა, კითხულობენ წიგნებს, ვასწავლი უფროსების პატივისცემას, ვესაუბრები სამშობლოზე, გადატანილი ომებზე, როგორ დავკარგეთ აფხაზეთი და სამაჩაბლო. მადლობა ღმერთს, ყველანი ჯანმრთელები არიან, გონებრივი შესაძლებლობებიც ნორმალური აქვთ და კარგად სწავლობენ.

როგორ უძლებთ მარტო, გემარტობაზე მუდმივად?

-მეუღლე მეხმარება, როცა დღიურად არ მუშაობს, ბავშვები ბარავენ, შუშას ჭრიან, წყალს ეზიდებიან მეზობლიდან, დედაბოლი

ცალკე ცხოვრობს, მაგრამ მოდის ხოლმე და მეხმარება, მოკლედ ყველა ძალიან მეხმარება.

რას ნატრობთ და რა არის თქვენი ოცნება?

-ჩემი ოცნებაა, იყოს მშვიდობა, არ იყოს ეკონომიკური პრობლემები, ყველას შეგვეძლოს გამართულად ცხოვრება, ჩვენმა შვილებმა მიიღონ განათლება, რომ ჩვენსავით არ იწვალონ მერე.

ოცნებობთ აფხაზეთში დაბრუნებაზე?

-სიმართლე გითხრათ, არა, აქ მიყვარს და მიჩვენი, ჩემთვის უცხოა ის ადგილი, ძალიან პატარა ვიყავი და არც მასხვს არაფერი.

როგორია მრავალშვილიანი დედის პასუხისმგებლობა?

-რომ გითხრათ, ძალიან ძნელია მეთქი, არ ვიქნები მართალი, არც ადვილი არ არის, რასაც ჰქვია, კარგად ვუძლებ.

თქვენი აზრით, რა როლი აკისრია ოჯახში დედას და ქალს?

-ვერ ვიტყვი, რომ განსაკუთრებული ადგილი მიკავია, მე და ჩემს მეუღლეს თანაბრად გვაქვს როლები განდანიშნული, რადგან ოჯახი სიყვარულით გვაქვს შექმნილი, ეს სიყვარული დღემდე გვასაზრდოვებს და ყველა ნიხალმდეგობის გადალახვაში გვეხმარება.

სახელმწიფო მხარდაჭერას რამდენად გრძნობთ და არის თუ არა საკმარისი?

- ვგრძნობ, რა თქმა უნდა, მე და ზაზა უმუშევრები ვართ, დღიურად თუ გავალთ სადმე, თოხში, მშენებლობაზე, მოსავლის აღების დროს და ასე შემდეგ უნდა ითქვას, რომ ამჟამად მთელი ჩემი ოჯახი სოციალური დახმარების კმაყოფილებაზე ვართ, საკვებს სათნოებდა ვიღებთ, ყვე-

ლასთვის ვერა, მაგრამ რამოდენიმე წორმას. ამ ქვეყნად ბევრი ჩვენზე გაჭირვებული, ამიტომ, რაც გავაჩნია, ამითაც კმაყოფილები ვართ, მართალია, სახლი არ გვაქვს, მაგრამ მალე გავლენ ჩვენი მშობლები პენსიაზე, რომლებიც გვიპრდებიან საპენსიო დანაზოგის მოცემას და ნელ-ნელა სახლსაც ვიყიდით როდისმე.

აქვე მინდა ვისარგებლო შემთხვევით და ჩვენი ქვეყნის ყველა ქალბატონს დღის დღე და რვა მარტი მივულოცო, განსაკუთრებით ვულოცავ სათნოების სახლის უფროსის მარინა ტოკლიკიშვილს იმ სიტუაციაში ყურადღებისთვის, რომელსაც იჩენს ჩვენითვის, თითოეული ბენეფიციარისთვის. ბოლოს კი, არ შემიძლია, ჩემი ღრმა მწუხარება და სამძიმარი არ ვუთხრა მოკლული მეომრის, არჩილ გატუნაშვილის დედას, რომელიც უკვე 15 დღეა, შვილის ცხედრის მოლოდინშია, ღმერთმა მისცეს გამძლეობა და მოთმინა ამ მძიმე განსაცდელის უძამ.

დასასრულს, რედაქციის სახელით, ვულოცავთ ჩვენს ძვირფას რესპოდენტს დედის დღეს და 8 მარტს, ვუსურვებთ, ჯანმრთელობას და ეკონომიკურ კეთილდღეობას ამ რთულ და საპასუხისმგებლო გზაზე. ჩვენს ძვირფას მკითხველს კი ვთხოვთ და მოუწოდებთ მატერიალური დახმარების სურვილს, შეგიძლიათ დარეკოთ ნომერზე 557 32 49 26 და გვერეკით დაუდგეთ 8 შვილის დედას-თამუნა ჩიტაიას. რომელიც, მართალია არ წუნუნებს, მაგრამ ჩვენი დახმარება ამკარად სჭირდება.

მომამზადა ელზა ხარაშვილი

ჭადრაკის პოპულარიზაციისთვის

დედოფლისწყაროს მუნიციპალიტეტის მერიისა და სპორტისა და ახალგაზრდობის ცენტრის ორგანიზებით, დედოფლისწყაროს სპორტ-დარბაზში ნუნუ კობაიძის ხსოვნისადმი მიძღვნილი საჭადრაკო ტურნირი გაიმართა. ჩემპიონატში მუნიციპალიტეტის საჯარო სკოლების მოსწავლეები და ჭადრაკის მოყვარულები ასაკის შეუზღუდავად მონაწილეობდნენ.

ტურნირი ტრადიციულია და 1970 წლიდან ტარდება. პირველი დედოფლისწყაროელი ქალი მოჭადრაკე, ნიუტონწყაროს მრავალგზის ჩემპიონი ნუნუ კობაიძე 1970 წელს, 28 წლის ასაკში სიმსივნის დიაგნოზით გარდაიცვალა. იმავე წელს კი მისი სახელობის ტურნირი დაარსდა. რამდენიმე წლის წინ ტურნირის ტრადიცია სპორტის ცენტრმა აღადგინა. წელს ასპარეზობაში ნუნუ კობაიძის ძმა, საქართველოს სპორტის ოსტატი ბესიკ კობაიძეც მონაწილეობდა.

გაზეთი „შირაქი“ დაინტერესდა, რა განცდაა ოჯახის წევრისთვის, როდესაც მშობლიურ რაიონში თითქმის 50 წლის შემდეგ სახელოვანი მოჭადრაკის სახელობის ტურნირი იმართება. ნუნუ კობაიძის ძმა ამბობს, რომ ამით ბედნიერია.

„ისეთი განცდა მაქვს, თითქოს ჩემი და მიცოცხლდება. მიჭირს ამ მდგომარეობის სიტყვებით აღწერა. ნუნუ მათემატიკის მასწავლებელი იყო და, მოულოდნელად, 28 წლის ასაკში სიმსივნით გარდაიცვალა. დიაგნოზის დასმიდან გარდაიცვალა. რამდენიმე თვეში რაიონის მრავალგზის ჩემპიონი იყო, ჭადრაკს სკოლიდანვე თამაშობდა. ბავშვობიდან გაგვიჩნდა ჭადრაკის თამაშის ინტერესი. ჩვენი ნათესავი თამაშობდა, ბიძა დაგვიჯდებოდა და გვასწავლიდა

ხოლმე. შემდეგ უკვე და-ძმა ერთად ვმონაწილეობდით რაიონის თუ რესპუბლიკის ტურნირებში. 1970 წელს მისი გარდაცვალების თანავე მისი სახელობის ტურნირი დაწესდა, მანამდე მისი სახელობის თასი იყო ქალთა შორის, რომელსაც ხშირად გამარჯვებული მოჭადრაკე ქალი იგებდა. ნუნუ ძალიან დაფასებული იყო რაიონისგან. უამრავი სიგელი და ჯილდო ჰქონდა მიღებული. პირველ ნარმატებას 1958 წელს მიადანია. ბოლო ორი წელია, ჩამოვდივარ დედოფლისწყაროში და ტურნირს ვესწრები. ყოველთვის 8 მარტს ტარდებოდა ტრადიციულად. როცა მეპატიულებიან და მაგებიანებენ, ვცდილობ, ჩამოვიდე. როგორც კი და დამელუპა, უნდა ითქვას, რომ ჩვენი ოჯახიც აირია. სამ-ოთხ წელიწადში დედაც გარდაიცვალა, შემდეგ მეც თბილისში გადავედი. სოფელ ზემო ქედში სახლი ისევ გვაქვს, სანამ მამა მყავდა, შაბათ-კვირას ყოველთვის ჩავდიოდი. ახლა იშვიათად ვახერხებ. მაგრამ ახლა ვაპირებ მუდმივად საცხოვრებლად დაბრუნდეს სოფელში. ისე კი, ჩემს შვილსაც ნუნუ ჰქვია, თავად სოფელში დაარქვა. არ ვიფიქრებდით, რომ ასე სერიოზულად ავითვისებდით ჭადრაკს. შემდეგ მე ჭიდაობას გავეყვი, აღარ მეცალა ჭადრაკის სათამაშოდ. ჭადრაკში ქალები იყვნენ ძლიერები, კაცებმა ვერ აჯობეს. რაც შეეხება ჩემს საქმიანობას, თავისუფალ ჭიდაობაში საბჭოთა კავშირის სპორტის ოსტატი ვარ. 30 ჯერ მაინც გავხდი რაიონის ჩემპიონი. მაშინ ისე იყო, თუ სპორტში იყავი ყველა სახეობაში უნდა გეცადა ძალები. 40 წლის მანძილზე უნივერსიტეტში ვიმუშავე ფიზიკის ფაკულტეტზე ბირთვული ლაბორატორიის გამგედ, მეცნიერ მუშაკი ვარ,“ - განუცხადა „შირაქს“ ბესიკ კობაიძემ.

უფროს ასაკში პირველი ადგილი დაიკავა გიგა ყოჩიაშვილმა.

მა. მეორე ადგილზე გოგი კიკილაშვილი გავიდა, ხოლო მესამე ადგილი წილად ხვდა ნუნუ კობაიძის ძმას, ბესიკ კობაიძეს.

სკოლის მოსწავლეებს შორის, ვაჟებში პირველი ადგილი კარენ კლოიანს ხვდა, მეორე ადგილი ზურაბ ხუციშვილს, მესამე - გიორგი იაკობიშვილს. გოგონებს შორის კი პირველი ადგილი მარი უთრუთაშვილმა დაიკავა, მეორე ნინო კიკილაშვილმა. უმცროსი ასაკის მოჭადრაკეებს შორის პირველ ადგილს საბა ბატიაშვილი დაუფლდა. პირველი ადგილის მფლობელებს გოგი კიკილაშვილის მიერ დაწესებული ერთჯერადი ფულადი პრიზები გადაეცა. ყველა გამარჯვებულს მედლები, სიგელები და ფასიანი საჩუქრები დაურთდა.

გაზეთი „შირაქი“ პირველი ადგილის მფლობელს ბიბა ჯონაძეს დაიკავა გიგა ყოჩიაშვილმა.

„საკმაოდ საინტერესო და რთული თამაში იყო. გამოცდილ მოთამაშეებს შეეხვდა, ამიტომ კმაყოფილი ვარ ჩემი შედეგით. ვფიქრობ, რომ ღირსეულმა გაიმარჯვა. კარგი იქნება, თუ დედოფლისწყაროში ხშირად გაიმართება ჭადრაკის ტურნირები. ეს ჭადრაკის პოპულარიზაციასაც დაეხმარება და სპორტის ეს სახეობაც განვითარდება ჩვენს რაიონში. ჭადრაკის თამაში 5 წლის ასაკში ვისწავლე, სოფელ სამრეკლოში ჩემს გარშემო თითქმის ყველა თამაშობდა. ალბათ ამან იქონია გავლენა, მეც დაინტერესდი და გადაწყვიტე მეთამაშა. კარგად მახსოვს, პაპა მასწავლიდა. თამაშად შემეძლია ვთქვა, მისი დამსახურებაა, რომ მესამედ მოვიპოვე რაიონის ჩემპიონობა. მშობლებიც ბავშვობიდანვე გვერდით დამიდგნენ და ხელს მინყობდნენ. მიიჩნევდნენ, რომ ჭადრაკი ხელს უწყობს გონების უკეთ განვითარებას. თავიდან სამოყვარულო დონეზე მივუდექი, მხოლოდ ვარჯიშის მიზნით ვთამაშობდი, მაგრამ შემდეგ უკვე რაიონულ ახალგაზრდულ ჩემპიონატზე მივიღე მონაწილეობა და 14 წლის ასაკში მეორე ადგილი დავიკავე. ალბათ ეს აღმოჩნდა დიდი სტიმული და ამ დღის შემდეგ გაცილებით სერიოზულად მივუდექი და თბილისში ჭადრაკის სასახლეშიც ხშირად ვთამაშობ ხოლმე. მომდევნო წლების განმავლობაში ორჯერ გავხდი ჩემპიონი, არაერთი საპრიზო ადგილი მაქვს მოპოვებული რაიონულ ტურნირებზე. პაპა საკმაოდ



კარგი მოთამაშე იყო, ძალიან ემხმარებოდა, რომ ამეთვისებინა. თავად მამეცადინებდა და საჭადრაკო ლიტერატურასაც ხშირად ვკითხულობდით. უკვე 18 წელია, ჭადრაკს ვთამაშობ, მინდა დიდოსტატი გავხდე. ამჟამად ილიას სახელმწიფო უნივერსიტეტის საბანკო-საფინანსო ფაკულტეტი დავამთავრე და ვაპირებ მაგისტრატურაში სწავლის გაგრძელებას. დედოფლისწყაროში ამ სახეობას პოპულარიზაცია აკლია. არ არის თამაშის მაღალი დონე. კარგი იქნება, მოინახოს გზები ინტელექტუალური სპორტის განვითარებისთვის. ჩვენი რაიონის ახალგაზრდობა მეტად დაინტერესდება. ხელი შეეწყობა მომავალი თაობის განვითარებას და იმედი მაქვს გადაიდგმება ნაბიჯები. რაც მეტი ადამიანი ჩაერთვება ჭადრაკის ტურნირებში, მით უკეთესია“ - განუცხადა „შირაქს“ გიგა ყოჩიაშვილმა.

როგორც ტურნირის მსვლელობისას „შირაქმა“ გაარკვივა, უკვე რამდენიმე წელია, სოფელ არბოშიკში ჭადრაკის შემსწავლელი წრე მოქმედებს, რომელსაც კვალიფიციური სპეციალისტი ვალიკო ნატროშვილი უდგას სათავეში. ადგილობრივები ამბობენ, რომ სოფელში დიდი მოთხოვნა იყო, ამიტომ გადაწყვიტეს ორგანიზება გაეკეთებინათ. ამ ტურნირზეც რამდენიმე არბოშიკელი მოზარდი მონაწილეობდა. ერთერთი მოსწავლეა 7 წლის მათე ბალაშვილი, რომელიც ჭადრაკზე წელიწადზე მეტია დადი. როგორც თავად ამბობს, დიდი სურვილი ჰქონდა, ეს სახეობა შეესწავლა, გავლენა კი ოჯახურმა გარემომ მოახდინა. დეტალებზე გაზეთი „შირაქი“ მათეს დედას, ირმა შოშიაშვილს ესაუბრა:

„ოჯახში ჭადრაკს ყველა ვთამაშობთ. მშობლებიც, ბე-

ბია, ბიძაშვილები. ხშირად არის შემთხვევები, როცა, თავისუფალ დროს, სახლში ოჯახის წევრები ერთმანეთს ვეპაექრებით, ალბათ აქედან გაუჩნდა ბავშვს ინტერესი და ნელნელა ყველაფერმა გავლენა იქონია. რაკი აღმოჩნდა, რომ სოფელში მსურველი ბევრი იყო, ვიცოდით, რომ ვალიკო ნატროშვილი კარგი სპეციალისტია, მშობლებმა ვიაქტიურეთ, რომ ჭადრაკის შემსწავლელი კერძო წრე გაგვეხსნა და თავადვე დაგვეფინანსებინა. ასეც მოვიქეცი და დღეს უკვე ფუნქციონირებს და რამდენიმე ბავში დღევანდელ ტურნირშიც მონაწილეობს. რაც შეეხება კონკრეტულად ჩემს შვილს, ათვისება არ გასჭირვებია, ცუდია, მაგრამ კარგად დაძლია. სამომავლოდ თვითონ გადაწყვეტს, წავიდეს თუ არა ამ მიმართულებით და რამდენად სერიოზულად გაჰყვება ამ სპორტს. ჩვენგან მას არჩევანის თავისუფლება ექნება. ეს ისეთი სპორტია, გონებას და აზროვნებას მოითხოვს, ბავშვით თუ გონიერი არ არის, ვერ შეძლებს ნარმატებით თამაშს. მე მოყვარულის დონეზე ვარ, პროფესიონალურად არ ვთამაშობ. აღარც მახსოვს თავდაპირველად საიდან ავითვისე. ალბათ მეგობრებიდან ვისწავლე, მამაც კარგად თამაშობდა, ნათესავებიც. კარგია დედოფლისწყაროში ყოველწლიური ტურნირი რომ ტარდება, მაგრამ კარგი იქნებოდა მეტი ყურადღება დაეთმოს და უფრო მეტი აქტივობა იყოს ამ მიმართულებით. მარშანდელ ტურნირზე დაშვებული იყო, თუმცა მცირე ასაკის მოთამაშეები არ ყოფილან, წელს მისასალმებელია, რომ პატარა მონაწილეებიც ბევრი გვყავს და პროგრესი შეინიშნება. აშკარად მეტი ინტერესია მოზარდებში. ხელისუფლებამ და მედიასაშუალებებმა მეტი დრო უნდა დაუთმონ ამ სპორტს, უფრო მეტი შედეგი იქნება და ენთუზიაზმიც მოიმატებს,“ - ამბობს ირმა შოშიაშვილი.

ილია მარტყოფლიშვილი



ვაკანსია
საქართველოს ბანკი
„სს „საქართველოს ბანკი“ აცხადებს ვაკანსიას პრობლემური სესხების მენეჯერის თანამდებობაზე დედოფლისწყაროში. ვაკანსიის დეტალური აღწერა გთხოვთ იხილოთ ვებგვერდზე jobs.bog.ge დაინტერესებულ კანდიდატებს, გთხოვთ, გამოგვიგზავნოთ თქვენი რეზიუმე (CV) ელ. ფოსტის მისამართზე Regionjob@bog.ge ან დატოვოთ შესაბამისი რეგიონის სერვის ცენტრში, მის: ჰერეთის ქ. №42, კორპუსი №15
შეკითხვების შემთხვევაში გთხოვთ დაგვიკავშირდეთ: პერსონალის შერჩევის სამსახური, **+995 32 2444 422** გისურვებთ წარმატებას!“

ვაკანსია
კაფე-რესტორანი „დავითი“ აცხადებს ვაკანსიას 18-დან 40-წლამდე ქალბატონებისთვის. დამატებითი ინფორმაციისათვის მოგვმართეთ მისამართზე: **რუსთაველის ქუჩა №53**, ან დაგვიკავშირდით ნომერზე: **577-34-55-39**

ამინდი		დედოფლისწყარო	
ორშაბათი 12.03 დღე	სამშაბათი 13.03 ღამე	ოთხშაბათი 14.03 დღე	ხუთშაბათი 15.03 ღამე
8°	6°	2°	1°
ლაშქვა	ლაშქვა	ლაშქვა	ლაშქვა
პარასკევი 16.03 დღე	შაბათი 17.03 ღამე	კვირა 18.03 დღე	კვირა 18.03 ღამე
6°	7°	8°	7°
ლაშქვა	ლაშქვა	ლაშქვა	ლაშქვა

გამომცემელი შპს „შირაქი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილში მოყვანილ ფაქტებსა და ციფრებს პასუხს ავებს ავტორი.	სარედაქციო კოლეგია: ლალი მახრამიშვილი, ილია მარტყოფლიშვილი (ჟურნალისტიკა); ელზა ხარაშვილი (სტილისტ-მენეჯერი); ნათია ზოსტაშვილი (ბუღალტერი); ნინო ჰანაშვილი (ოფის-მენეჯერი); მზია ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.	რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
------------------------------------------------------------------------------------------------------------------------------------------------------------	-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------	---------------------------------------------------------------------